











4



上海圖書館藏

上海圖書館藏

上海圖書館藏

英華卷第九百七十一

行狀



中書令汾陰公薛振行狀一首

左武衛將軍成安子崔獻行狀一首

常州刺史平原郡開國公行狀一首

中書令汾陰公薛振行狀

楊炯

高祖德魏給事中黃門侍郎御史中尉散騎常侍直閣輔

國二將軍齊州刺史贈車騎將軍儀同三司華州刺史謚

曰簡懿曾祖孝通魏中書黃門二侍郎銀青光祿大夫散

騎常侍關西道大行臺右丞常山太守汾陰侯贈車騎將

軍儀同三司齊鄭二州刺史祖道衡齊中書黃門二侍郎



隋吏部內史二侍郎上開府儀同三司陵邛潘襄四州刺  
史襄州總管司隸大夫皇朝贈上開府臨河縣開國公父  
收皇朝上開府兼陝東道大行臺金部郎中天策上將軍  
府記室叅軍文學館學士上柱國汾陰縣開國男贈定州  
刺史太常寺卿謚曰獻河東郡汾陰縣薛振年六十二字  
元超狀昔者唐堯之協和萬邦也有若四嶽之敬順昊天  
曆象日月虞舜之慎徽五典也有若八元之忠肅恭懿宣  
慈惠和夏禹之分別九州也有若咎繇之謨明弼諧允迪  
厥德殷湯之南征北怨也有若伊尹之格于皇天姬文之  
受命作周也有若虢叔之聞于上帝自唐虞而列考及秦  
漢而無譏元首必藉於股肱方隆太平之化賢者必待於

漢而無識元首必藉於股肱方隆太平之化賢者必待

明主克致崇高之業若夫駮駕六龍驅馳七聖斟酌元氣

財成天道者其惟聖人乎弘闡大猷發揮神化匡正八極

阜成兆人其惟良宰乎我大唐之建國也粵若神堯明揚

淵隘文王叶于朕卜迎太公於渭水高宗求于朕夢得良

弼於傅巖若歲大旱以為霖雨若濟巨川以為舟楫者也

公含天地之間氣依日月之末光能備九德兼資自行探

賸索隱極深研幾韶齡集作之際羞言霸道詞賦之間已

成王佐年六歲襲爵汾陰男十一太宗召見勅弘文館讀

書十六為神堯皇帝挽郎十九尚和靜縣主高宗升集作

儲之日也勅公為太子通事舍人二十二除太子舍人高

宗踐位詔遷朝散大夫守給事中年二十六尋拜中書舍

人弘文館學士三十二丁太夫人憂去職起爲黃門侍郎  
固辭不許脩東殿新書畢進爵爲侯公毀瘠過禮多不視  
事出爲饒州刺史上夢公徵爲右成集有武字務四十復爲東  
臺侍郎是歲也

放李義府于邛笮舊制流人禁乘馬公爲之言左遷簡州

刺史歲餘上官儀伏誅坐詞翰集作翰墨往來徙居越雋五十

三赦還拜正諫大夫五十四遷中書侍郎尋同中書門下

三品兼檢太子左庶子五十九遷中書令車駕幸洛陽詔

公兼戶部尚書與皇太子居守俄以風疾不視事高宗崩

輿疾往神都抗表辭位至於再至於三詔加金紫光祿大

夫仍聽致仕以光宅元年季冬旁死魄薨於洛陽豐財里

之稔第嗚呼哀哉公也藉膏腴姻連戚里鼎湖長往非卿

子而為郎金榜洞開徵列集作封侯而尚主遂乃彈冠筮仕

策名委質叩天門於畫闕攀鳳翼於紫林集作宸比升右轄

者一年居外臺集作轄者兩部集作月四遷門下二入中書用

能燮理我陰陽經緯我天地益梅我寶鼎梁一作棟我宸

極理百官而察萬人平邦國而和上下借如風后大老左

右軒皇蕭何曹參謀猷漢室未有一心事主四十餘年參

兩宮而出入歷三臺而陟降合其道也大壑縱其鯤鵬遇

其時也名山出其雲雨功成輔弼德邁幾深星象不憊方

踐中台之位山川並走竟遊東岱之魂天不憖遺民將安

仰越翼日詔贈光祿大夫使持節都督秦成武渭四州諸



感噫稽首謝曰先臣早參麾蓋文帝委之以心旌臣又多

幸天皇帝任之以股肱誓期殺身報國致一人於堯舜伏願

天皇遵黃老之術養生衛壽則天下幸甚賜金二百鎰公

有事君之節也不亦忠乎每讀孝子忠臣傳未嘗不慷慨

流涕以為帝舜非孝子朱虛集作雲非忠臣客有譏之者公

曰寧有揚君父之過而稱忠孝哉大夫人薨公每哭嘔血

杖而後起上見公柴毀泣曰朕遂不識卿卿事朕君父一

致遂至於滅性可謂孝乎中書省有一磐石隋內史府君

常踞而草詔及公揮翰躍鱗每見此石未嘗不泫然流涕

公有至性集作立身之道也不亦孝乎其年脩晉史筆削之美

為當時最孝敬崩詔公為哀冊上集有行字幸九成宮勅皇太

子赴行在所置酒別殿享王公以下時太子英王侍皇帝

酒酒酣

集英王皇帝作太子侍酒耳是

公獻壽曰天皇合易象乾將三男

震坎艮今日是也上大悅百官舞蹈稱萬歲賜雜物百段

銀鏤鍾一枚吐蕃不庭詔英王為元帥搃戎西討公賦西

征詩一首上稱善嗟嘆者久之因代英王

集作公

屬和御筆

繕寫朝以為榮公有屬詞之美也不亦文乎黃門侍郎上

疏薦高智周任希古郭正一王義方顧徹

集作澹

孟利貞等

後皆有重名歷登清貫及兼左庶子又表鄭祖玄沈伯儀

賀覲

集作是

鄧玄捷

集作是

顏強學崔融等十人為學士天下

服其知人公為右成務獻封禪書及平夷策上深納焉或

有抵罪者同類數百經赦令微官評經

集作連

年不決竟以

苑論公上疏陳其濫詔百寮廷議獄官及諸宰臣未有所

決公酬對如響衆咸服焉上歎息曰幾令我殺無辜之人

百寮莫不震懼後集作上疏陳請備塞垣未幾而匈奴背

誕公有神通之鑒也不亦明乎儀表魁傑鬢眉若畫身長

七尺四寸望之儼然喜愠不形於色雖至於近習左右胥

徒僕妾莫不待之以禮公有行已之方也不亦恭乎在集

牧饒州六年以仁明馭下鄱陽北岡上忽生芝草一株郡

人以爲善政所感共起一舍號曰芝亭因立碑頌德公有

馭人之術也不亦惠乎在邛都十餘載沉研易象韋編三

絕賤詩縱酒以樂當年有醉後集三卷行於世集作公有

安和集作之德也不亦康乎上初覽萬機公上疏論社稷

安危君臣得失上大驚即日召見不覺膝之前席歎曰覽  
 卿䟽若暗室而照天光臨明鏡而覩萬象此後寵遇日隆  
 每軍國大事必叅謀帷幄在中書獨掌機務者五年出納  
 帝命口占數百上曰使卿長在中書一夔足矣大駕東巡  
 詔公驂乘上曰朕之番卿若去一日若斷一臂關西事重  
 一以委卿因賜物百段公奉杜稷之勲也不亦重集作乎  
 若夫有官功者賜其官茲有大行者受其大名公叔列國  
 之陪臣猶安社稷黔婁匹夫之介節不忘仁義古今以為  
 通訓書籍以為美談况乎輔佐明主集作君寧濟天下生死  
 無二始終若一業高於六相道貫於五臣其生也榮同心  
 比於周邵其死也哀墮矣均於集作乎衛霍豈使揚名之典

不及於會同賜謚之文不傳於終古門生故吏願述德音

博士禮官佇聞清議之則繇鍾之策降於皇魏之年王導

之疏寢於中興之日謹狀垂拱元年四月四日故中書令

汾陽公府功曹姓名謹狀二字集作上文昌臺考功竊聞生為

貴臣車服昭其令德死而不朽謚號光其大名今謹按故

府主中書令汾陰公贈秦州都督薛元超以王佐之才逢

太平之會集作運撫綏萬國康濟兆人力牧輔軒皇未為盡

善臯陶佐大禹猶有慚德名遂身退生榮死哀羽父之請

魯君抑惟舊典衛侯之謚文子庶幾前列謹上

左武衛將軍成安子崔獻行狀 前人

祖弘壽隋獲嘉樂縣開國侯父萬善皇朝左監門將軍持

節隆州諸軍事守隆州刺史

按唐世系長弘壽左監軍上夔嘉男萬善閬州刺史

護軍安縣開國男謚曰信郡縣鄉里崔獻

獻字表

年六十

七夫推其天命南端上將之文考其地靈北極崆峒之武

厭次有東方曼倩卓

集作早

達於孫吳瑯琊有諸葛孔明深

期於管樂貞觀九年起家太穆皇后挽即十六年授營州

都督府參軍事燕齊遼遠所以分置營州天子命我以參

卿軍事太宗文武聖皇帝把金鉞動璇璣發四方

集作西上之

人爰整其旅問東夷之罪恭行天罰公自家刑國資父事

君樂王粲之神武棄班超之筆硯一鼓作氣方輕肉食之

謀七旬舞干始受昌言之拜二十三年遷除王府西閣祭

酒梁王武者漢皇之少子廣東苑屬平臺則司馬相如所

以騁其詞賦陳思王植者魏國之天人遊西園擁飛蓋則  
邯鄲子淑所以爲其賓友永徽六年授晉州司士龍朔三  
年遷岐州司戶剪桐垂棘珪璧相輝紫鳳寶鷄休祥狎至  
從乾值異之風土被山帶河之國邑邦君坐嘯方推太守  
之名鄰國從遊始屈陪臣之禮尋丁外憂三年泣血一慟  
能使禽獸莫觸其松柏神仙每留其玉石春秋忽變有君  
子之終身金革不辭達賢人之俯就麟德元年有詔起公  
爲左威衛脩仁府左果毅都尉仍命羽林軍長上乘輿歷  
日月步山川詳益地之圖書聽干雲之律呂長城十角盡  
入隄封高闕三襲並爲州縣於是九姓抗表請築安北府  
城詔公馳驛許以便宜從事則榮奉中旨計日期還親降

鑾輿待於故都樓上雖復東西萬里張博望之尋河裝橐  
千金陸大夫之使越猶未聞降星躡帝車擬於陶侃扣  
天門之八襲方於魯陽留白日於三舍若夫類上帝偏群  
神則孔宣父之所刊者五年一狩登泰山禪梁甫則管夷  
吾之所識者十有二君秦皇致風雨之迷魏后積貂羊之

耻夫名山之所望非我后而誰哉是以馭蒼龍控玉集作翠

鳳陰陽不測發揮於作樂之文天地無私揖讓於升中之

禮公受陪祠汶上庖蹕梁陰列藩衛於環星受嘉名於捧

日與夫茂陵之下獨留符命之書河洛之間不覩漢家之

事豈同年而語也朝鮮舊壤歌集作歌箕子之風謠斗骨危

賦屬阿孫之背誕地惟孤竹不聞謙讓之名親則同株曾

無... 卷之六

無急難之意特進全

唐書

男生以簫塙構孽蔓草方滋欲

去危而就安思轉禍而為福請歸有道所向

集作使者

相望天

皇慙一物之推清詔公於國城內迎接先之以造化之大

示之以雷霆之威受其壁焚其櫬更徵侍子來朝京闕亦

猶鄙生憑軾入齊國而下其城賈誼上書伏匈奴而答其

背乾元元年詔遷遊騎將軍左威衛義陽府折衝都尉仍

加上柱國右羽林軍長上如故是歲也太子太師英國公

登壇以

集作而

拜鑿門而出紫泥明詔不入於三軍之中黃

石竒兵自行於九天之外山林為室不能有藩籬之險魚

鼈成橋不能有逃亡之路詔公出使預參帷幄進竒策納

嘉謀攘無臂而執無兵戰必勝而攻必取斬大風之翼霧

卷青丘卧長鯨之鱗煙銷碧海二年以平夷功詔除定遠

將軍右武衛中郎將檢校左羽林軍總章二年詔遷宣威

將軍守左武衛將軍校校右羽林

集無此句

襲封成安男咸亨

二年進爵爲子尋奉別勅檢校右羽林軍餘如故太夫人

以桑榆晚節霧露沉疴減年歲之扶危受皇天之

集作星辰而

賜藥屢陳表疏方請告歸頻降絲綸未蒙優許則知忠臣

奉上多從孝子之門受命臨戎始見忘家之事潘安仁之

豈弟始奉輕軒張景胤之純深終悲畫扇儀鳳三年以內

憂解職尋降詔起復本官四年加雲麾將軍正除左武衛

將軍檢校右羽林軍如故王人奪服纔聞趙熹之喪明主

禮獨訝何曾之毀且割哀而從禮將以義而斷恩受軍

磨命服之數掌期門飲飛之職以漢宮清暑忽照邊烽秦

塞長城遂聞胡馬匈奴未滅霍去病是

集作所

以辭家天子

勤容周亞夫於馬不拜調露元年詔公龍門鎮守兼於夏

州防捍飲水受命倍道兼行鞍甲成勞晦明為疾璽書降

下

集作問

即日追還中使接跡於家庭尚藥綢繆於錫賚人

生詎幾神道何知仰觀於天值三軍之星落俯察於地逢

五將之山崩詔書來北斗之門圖像在南宮之壁以三年

秋七月薨於紫桂宮右羽林軍之官第詔賜御食并錦被

二張常服一襲雜采百五十段贈物一百段粟一百石勅

書弔贈禮越常班喪葬

集作用

所資數優恒典琳琅觸日日

月在懷陶謙則戲引蟠旗賈逵則常陳部伍闔門有德歡

若友朋事君無隱心如鐵石至如出車授鉞東征西討孤  
虛向背則雖女子之衆可以當於丈夫前後折旋則雖婦  
人之兵可以陷於湯火兔起而鳧舉龍騰而鳳飛無戰不  
平無城不尅有如馮異羞言大樹之功宛集作似魯連不  
受黃金之賞太平之事業行矣人主之恩榮備矣山河之  
寵乂預同盟社稷之臣俄悲輟祭聖君興悼憚列辟相趨  
覩高屋而歡良弓聞鼓鞞而思將帥宏圖祕畧實無得而  
稱焉追遠飾終請有易其名者謹狀永隆二年正月十一  
日故左武衛將軍成安子府功曹某上尚書省考功名也  
者功之表也謚也者行之跡也公叔文子魯辱四隣之交  
黔婁先生有餘天下之貴謹按故府主左武衛將軍上柱

點畫先生有餘天下之貴謹按故府主左武衛將軍

國成安子崔獻誕靈辰郊降德山河漢陽閭忠許有良平

之策穎川徐庶知其管樂之才生覩太平仕逢明主秋風

金鼓有司馬之論兵吉日壇塲有將軍之拜職任重而道

遠功成而退奄息百夫之特彼蒼者天相如千載之人

猶有氣象集作生珠襦玉匣禮備於喪終筮短龜長事集

舊從於先見集作遠功名之道蓋取之於舊儀累德之文敢

一作希集作望之於執事謹狀

常州刺史平原郡開國公行狀 王勃

某州縣洪飈未翔靈鳳垂翼景雲不燭神龍宛頸豈非時

不可以苟遇道不可以虛行聖人作而萬物覩神功資而

百寶用集作興是以山川倒徙太階懷息亂之臣天地擄華

疑離 元首佇康時之具則有得其數者於平原公見之矣

自星虹沓祉開寶曆於軒圖雷電窈冥載休徽疑作於魯

識龍驤鳳起霸公存玉壘之雲紫蓋黃旌疑作王迹著金

陵之野故得卿才表秀疊彩駢蹤皂蓋朱幡連州北郡公

侯必復子孫承百代之基餘慶不忘仁義應千齡之運公

禹門疏照穴岫翔輝分嶽秀於樊侯稟辰精於傳說折旋

儒館以六藝為笙簧軒翥翰林用兩京為鼓吹經邦化俗

涉游夏之門庭減寵麾兵得孫吳之閩奧一作皇天眷命

聖武膺圖覩物懷人思功去罪寰中事曹參希執帛之

祭闡外多虞周縹企中軍一作之寵見危授命蔽器及特

攀鳳羽於九霄候龍顏一作於千里蕭王內寢類獻雅誠

備前亦百道屢舉之復賦武 德三二年受申即將我遷大

韓信齊壇屢遷優秩武德三年授中郎將俄遷大將軍秦  
王統軍皇基肇闢天步猶難宸宸應上相之榮仙夢受中  
權之寄被廬講將實頓宏圖今日僉謀光應時望于時弄  
兵竊舉猶勤甲冑吞沙餌石尚阻河梁公制變以竒盪除  
以殺七擒三捷之畧緒著轅門拔旗穿札之能勲在盟府  
五年六月加上柱國隨班列也剪桐疏爵分茅建社下斷  
物土上格星躔唐虞著其升降周漢明其損益所以羽儀  
帝室蕃衛王畿懲惡勸善庸賢叙德高祖勲逾黜夏業擅  
戲黎置酒醴於南宮揚旌旆於東府建皇帝之號安不忘  
危覽徹侯之籍榮而思報以公乃誠匪懈原始要終望嚴  
雪而識寒松觀疾風而知勁草九年封望都縣男貞觀元

年改封縣侯文貌禁旅實著趨雄清道啓行允茲多士自

非譽高朝諷價重人謚仍虧博望之儀必亂鈞陳之選公

早陪戎律夙簡帝心揚歷二宮當仁不讓授左衛中郎能

遷右虞侯率葱山狄壤一作種蒲海蠻貊信要服之外區乃

匈奴之右地境隣虵澤乘勁席疑而鷗騰郡邇酒泉候霄

塵而鷄視天子乃停旒側瞻疑負宸宸驚振洪策於古今

溢巖勲於覆載將使八紘昭泰銀臺應益地之圖九縣平

夷瑤水流尋仙之駕貞觀某年授高昌道行營都管公道

凝三畧功標五才逸氣縱橫雄精貫月象物而動鼓擊肅

戰士之容推信而行歌舞表將軍之德裹粮坐甲輕死等

於鴻毛投袂衝冠重義均於熊掌鑒空歸惠荒度來賓

鄭吉之前蹤復張騫之故事。廟堂頌德魏闕疇庸光贊。六  
條非公莫可。某年授某州刺史。尋以江沲粵域衡霍名區。  
楚情剽狡。吳風澆競。火耕水耨。郡闕嫠女之精。竦劔危冠。  
人尋縛諸之弊。分宜演化。卽理切於宸襟。易俗遷訛。行吟  
佇於人望。真觀某年遷睦州刺史。政刑不匿。考績連最。俄  
授使持節松州都督。令上釣臺。嗣歷鼎邑。凝圖百城。勞晉  
武之心。千里楊漢宣之詔。璽書加秩。緡禮請藩。綸煥增班。  
事高恒典。永徵中改。沙州刺史。屬鼇山亂。德鴻水稽。誅扶  
桑落日之濱。妖朋蟻結。孤竹尋雲之際。孽黨蜂騰。百濟遺  
黎。託懸巢而斬氣。三韓別種。附危幕而遊魂。王帳蒐兵。佇  
責苞茅之貢。金壇令律。將收楛矢之琛。龍朔年中。授公能

津道總管公昔從幕府早厠戎行覽兵法於軒轅受陰陽  
 於呂望三門五壘壘得破敵之奇謀大艦雲梯揔行軍之  
 妙法故得戰無全陣野靡堅城縱金將躍馬暫臨衙壁與  
 牽羊相繼豈惟秋方息亂遙聞定遠之名春谷投心遐憑  
 想炭作度遼之策若斯而已矣及三軍獻捷諸將論功余嘉  
 乃勲作鎮炎野授公廣州都督改封平涼公以途鄰北戶  
 地接南池珠崖魑魅之鄉桐柱貪殘之境累藩斯寄歷任  
 稱難於是受以春風臨以夏日明冠婚於縣邑布庠塾於  
 閭閻雍正本誅強姦豪屏氣崇陰察獄惇獨中哀理龔遂之  
 亂繩解虞卿之錯節黃霸得循良之譽績未銜於邊城陳  
 湯有方面之勲位不登於刺舉兼方具表其式茲乎朝廷

以公屢蒙伯山牧駿歷班班條吏不忍欺人無胥怨伏情

湯有方面之勳位不終於刺舉兼方其表其式茲乎朝

以公屢參伯牧駿歷班條吏不忍欺人無胥怨伏情默

晉連稷野之童託義訓毗惆悵耶溪之老雖有黃槐紫棘

無以易堯盛嶽名都猶聞借寇麟德元年改授金紫光祿

大夫常州刺史既而天機忽爽大漸彌晉王白徒烈金黃

難化一作白玉徒台階側席方膺雉冕之尊王女停機逢

俄鵲衣之變以某年某月日春秋若干薨于公舍嗚呼哀

哉惟公間氣呈姿靈和叶慶鳳鳴千仞鵬搏萬里情關峻

遠得意於衆妙之門性宇沉凝忘筌於毀譽之境因心以

至孝梯表於鄉閭臨義而行祿賜均於宗族故得虬驟一作

釀一作虯一作屈服冕乘軒臨涕漢於締構之辰游梁於駭亂之

際章清霧闢曳鵠尾而晨趨甲館煙開奉髦頭而夜警鳴

輦出塞進李牧之奇誠露冕巡方受蘇章之直筆方當獻  
納黃屋揖拜青墀入東寺而掌壺處南臺而曳履不謂藏  
舟夜涉負杖朝興丹丘之化未尋玄扃之痛俄及故怨深  
徹樂悲纏罷市者乎謹狀

文苑英華卷第九百七十一

文苑英華卷第九百七十二

行狀二

行狀

兵部尚書代國公郭震行狀一首

尚書祠部員外郎贈陝州刺史裴稹行狀一首

常州刺史獨孤及行狀一首

兵部尚書國公贈少保郭公行狀 張說

公名震字元振本太原陽曲人也大父任相州湯陰令因  
居于魏公少倜儻廓落有大志儀冠雄傑身長七尺美鬚  
髯十六入大學與薛稷趙彥昭同業時有家僕至寄錢四  
百千以爲學糧忽有一人綠服叩門云五世未葬棺柩各  
在一方今欲齊舉大事苦乏資用聞君家信至頗能相濟

否不問姓名以車載去一無所留深為趙薛所誚公怡然

曰濟彼大事亦何誚焉十八擢進士第其年判入高等時

輩皆以校書正字為榮公獨請外官授梓州通泉尉至縣

落拓不拘小節嘗鑄錢掠良人財以濟四方海內同聲合

氣有至千萬者則天聞其名驛徵引見語至夜甚奇之問

蜀川之跡對而不隱令錄舊文乃上古劍歌其詞曰君不

見昆吾鐵冶飛炎煙紅光紫氣俱赫然良工煅煉凡幾日

文粹壽鑄得寶劍名龍泉龍泉顏色如霜雪良工咨嗟嘆

奇絕琉璃玉匣出蓮花錯鏤金環生明月正逢天下無風

塵幸且文粹用防君子身精光黯黯青蛇色文章片片綠

鱗文粹直結交遊俠子亦曾親近英雄人那知文粹作中

路遺棄拍零落漂淪古獄邊雖則文粹作復沉埋無所用續

夜夜氣衝天則天覽而佳之令寫數十本遍賜學一作士

李嶠閻朝隱等遂授右武衛曹曹右控鶴內供奉尋遷奉

宸監丞屬吐蕃請和親令報命至境上與贊普相見宣國

威命責其翻覆長揖不拜賾目視之贊普曰漢使多矣無

如公之誠信遠近疆界立談悉定因遺金數十斤而還公

悉以進上奏言揣彼上下之情人倦其隸役久矣咸願早

和大將論欽陵不爭四鎮獨不欲耳但國家每歲不絕其

使而欽陵常不稟命自然彼落唐書作蕃之人怨欽陵日深望

國恩日甚設欲廣舉兵徒難矣斯乃公間之微旨也必可

使其上下俱懷猜阻矣則天甚然之無何吐蕃君臣果相

疑貳遂誅欽陵第贅婆及其兒子莽布支並來降公聲名  
籍甚授御史加朝散大夫遷主客郎中吐蕃與突厥連和  
大入西河破數十城圍逼涼州節度出城戰歿蹂禾稼米  
斗萬錢則天方御洛城門酺宴涼州使至因輟樂拜公爲  
涼州都督兼隴右諸軍大使調秦中五萬人號二十萬以  
赴河西公至涼州吐蕃素聞威名相謂曰我替普猶懼吾  
輩何可敵乎相率而去公收合餘衆繕脩城壁施法令屯  
田一年而復公之功也公以涼州西拒吐蕃北有突厥久  
示其弱未揚天威因徵隴右兵馬一百二十萬號二百萬  
集于湟州營幕千里舉鋒號令時宗楚客爲相素與公不  
協令人告變則天惶懼計無所出狄仁傑魏元忠韋玄石

奉齋求景桃崇趙彥昭韋嗣立張說二十五人統表請

李嶠宋璟姚崇趙彥昭韋嗣立張說二十五人抗表請保  
如公有異圖並請身死籍沒則天由是稍安兵旣大集人  
又知教分兵十道齊進過青海幾至贊普牙帳贊普屈膝  
請和獻馬三千疋金三萬斤牛羊不可勝數公大張軍威  
受其蕃禮而還旣伏西戎震威北狄突厥獻馬二千疋所  
獲涼州人士皆放歸塞上從此方鎮肅清蕃落畏慕令行  
禁止道不拾遺凡所規模制作率爲後法河西隴右十餘  
處置生祠堂立碑頌德閭立均等爲其文尋有詔許入朝  
公素無第宅寄居友人之舍候鼓入朝忽有人馬前送狀  
開緘前人已去狀中唯有物數而無姓名便於樹下獲騾  
馬二十餘疋帛三千疋公曰豈非大學請葬之士乎因以

買宅居止薛稷趙彥昭聞之皆嗟嘆良久景龍年中宗楚  
客韋處訥等潛結朋黨憎功害能授公驍騎大將軍兼安  
西大都護四鎮經畧使金山道大總管時烏質勒久恃衆  
倨傲不屈朝廷縱兵遠掠道路不通公以衆寡不敵難以  
力制因率麾下數十騎徑入部落烏質勒大出兵衛出迎  
望見公威容端毅風鬣若神不覺屈膝因而下拜公宣國  
威命抗聲與語自朝至暮雪深尺餘竟不移足質勒頻拜  
伏語畢歸帳相去二十餘里質勒久立雪中倉卒疾發是  
夜暴卒其嗣子娑葛集諸將曰漢使殺我君父今須復讐  
大舉兵衆將追殺公聞質勒死遲明素服來弔道路相逢  
兵圍數匝娑葛見公忽來未之敢逼但言衛護漢使公至

其帳下大哭流涕因撫定其嗣蕃人大喜晉數十日助其  
葬事娑葛獻馬三千疋牛羊十餘萬移居千里西域無事  
道路肅清諸蕃聞之遣使歸降者十餘國時人語之曰郭  
元振詭殺烏質勒知娑葛與闕噉有釁奏請移於瓜州制  
從之會中書令宗楚客受金遂寢其事公具以狀聞楚客  
恃勢囑請召公將陷之公不從又奏請斬楚客清蕃落時  
韋庶人竊弄國權中宗竟不之省也初安西南有毒河源  
遠在葱嶺西北河岸百步人畜踏之者輒死公威振西城  
所向無不從者因驗圖經知其源率兵三萬人歷于闐康  
居大食等十餘國所過之國令供資糧仍署其國王爲左  
右總管率兵前進北至葱嶺牙帳前十二國王兵百萬餘

其河源上有大樹高千餘尺垂陰數頃大軍至日有黃龍  
繞樹以口吐毒氣而拒官軍三軍悉覩焉公手書操檄文  
令左捨遺張宣抗聲讀之畢黃龍解樹而下公率諸軍誅  
之數日方倒聚而焚焉河源且絕數十里內悉爲良田在  
安西十餘年四鎮寧靜韋庶人知政屢徵不至因下僞詔  
令侍御史呂守素中丞馮家宿相繼巡邊欲將害之未及  
皆爲娑葛等諸蕃劫殺之睿宗即位徵拜太僕卿勅至之  
日舉家進發安西士庶諸蕃酋長號哭數百里或勞而截  
耳抗表請畱因給之而後即路其至玉門關也去涼州八  
百里河西諸州百姓蕃部聞公之至貧者携壺漿富者  
設供帳聯綿七百里不絕公旌節下玉門關百姓望之

設兵帳聯綿七百里不絕公旌節下玉門關百姓望之

轉斗呼聲動巖谷自朝至暮傳呼至涼州涼州城中男女

在衢路並歌舞出城咸言我父至矣通夜城門不受禁制

都督司馬逸客聞之謂公近矣陳兵出迎會候騎至云始

入玉門關都督嗟嘆良久其狀聞至京同中書門下三品

加銀青光祿大夫遷兵唐書部尚書封館陶縣男依舊知

政事尋轉吏部尚書知選舉囑請不行大收草澤睿宗屢

下詔褒美後默啜大寇邊拜刑部尚書克朔方道行軍大

總管築豐安定遠等城以拒賊路尋加金紫光祿大夫再

遷兵部尚書知政事仍舊元帥會太平公主竇懷貞潛結

兇黨謀廢皇帝睿宗猶豫不決諸相皆阿諛順旨惟公廷

爭不受詔及舉兵誅竇懷貞等宮城大亂睿宗步蕭章門

觀變諸相皆竄外省公獨登奉天門樓躬侍睿宗聞東宮

兵至將欲投于樓下公親扶聖躬敦勸乃止及上即位宿

中書十四日獨知政事因下詔曰大臣立事夷險不易良

相昇朝安危所繫兵部尚書同中書門下三品上柱國館

陶縣開國伯元振偉才生代宏量匡時經綸文武今之王

佐出入將相古之人傑夙侍宸一作宸疇咨廟堂思致堯

舜以期管樂朕往在儲闈泊登寶位每觀其仗制詞義感

激願制詞作別凶邪立誠慷慨密陳弘益爾甚至矣朕實嘉

之頃者梟獍興肆干戈作釁太上皇帝既命朕除討元振

又馳奉宸極始則賚予為弼終則寧朕問安可謂格于皇

天貫于白日元西恐既剪廢物惟新昌言是圖朕豈忘舊宜

井邑水誓山河可進封代國公賜寶封四百戶物

井邑永誓山河可進封代國公賜實封四百戶物二千

陔子五品官尋兼御史大夫天下行軍大元帥是歲大徵

兵衆閱武驪山兵一百萬號三一作二百萬並奉公餼

度是日二命之後上將親鼓公慮有大變因畧行禮上大

怒引坐纛下紫微令張說犯鱗而諫上乃曰元振有保護

大功宜拾軍法流新州未至屬開元元年冊尊號赦曰元

振往立大功保護於朕頃因閱武頗失軍容責情放逐將

收后效可饒州司馬未至卒於道時年五十八有集二十

二卷文章有逸氣爲世所重公少負氣縱橫遣意磊落作

尉巴蜀不脩名檢及登朝受任屢使遐方霜明烈心玉立

貞節言行忠正居取儉約理體雜於皇王致君期於堯舜



晉祖本其基隋光祿大夫行左光祿大夫皇朝贈使持節督原州諸軍事原州刺史謚曰忠祖行儉皇朝銀青光祿

大夫守禮部尚書開喜縣開國公贈太尉揚州大都督謚

曰獻父光庭皇朝光祿大夫侍中兼吏部尚書正平縣開

國公集作男是贈太師謚曰忠獻絳州開喜縣崇唐集作慶鄉太

平里裴稹年若干行狀公天姿英拔德宇宏曠躋昂公噐

磊砢高節武庫森戟玉山照人起家以門調補千牛備身

歷太子通事舍人太常寺主簿是時萬邦方又獻公當國

天子垂衣穆清以有天下而袞職之闕疇咨之府公入則

竭力出則匪躬外詢輿人以補過庭之間陰薦多士用弘

審官之選既而濟濟俊乂爛盈東閣邦之符其於斯為盛

畫一之詩作而嘉魚之頌興公之裕盡也轉京兆府司錄

事集無此字參軍輦轂之大綱轄之劇牒訴浩穰文墨填委公

投刃餘地而大卻斯批若綱集作綱是在調而衆目不紊談笑

之隙簿領肅如論者知逸倫集作驥之足方自此始開元二

十一年忠獻公均館憚然在疚哀越乎禮會執事者醜正

作福怙寵匿怨乃因喪乘釁將逞憾于我言之如簧上亦

投杼公乃銜恤進牘叫閤抗憤危言自明至誠旁感由是

宗祐垂禮高天聽颺恩方照徹尋事作神亦悔禍卒令臧孫

有加集作葬之禮集作葬公業有不亡之嘆公之克家也服

闕授起居郎載筆赤墀書法不隱開元二十四年三庶人

以罪廢事出宮闈變生飛語時壽王以母寵子愛議者頗

有奪宗之嫌道路憫然朝野疑懼公乃從容請問慷慨獻

集作上志新城之殿監下陳兵園之元龜謂興亡之由

鳳集作諫

上述新城之殷監下陳疾園之元龜謂興亡之由

在廢立之地天子感悟改容以謝因命詔以給事中授公  
公曰陛下絕招諫之路爲日故久今臣一言而荷殊寵則  
言者衆矣何以錫之上善其敏而多其讓乃止不讓尋除  
尚書祠部員外郎恪居禮闈休問惟穆弘濟之畧因爲已  
狂于時搢紳高義方以青雲期公不弔昊天降此短曆開  
元二十九年某月日薨于私第春秋若干君子謂公貂蟬  
之葉瑚璉之器壽不及黃耆名不登明堂天其未亡狐趙  
之勲成宣之德也非昌其身必大於後果介繁祉有才子  
四人長曰倩尚書駕部員外郎兼殿中侍御史江西道租  
庸鹽鐵等使次曰倣尚書司勳員外郎兼殿中侍御史叅

中軍元帥雍王軍事次曰倚殿中侍御史貳守萬年縣令

李白侑太原府榆次縣尉構厦環材切玉利器價敵三虎

族橫集作疑是八王朝廷褒之方倚以戎務元年春建辰月肆

大青因命有司錄勲追舊於是詔贈公諫議大夫猶以禮

未超倫位不充德秋八月詔曰贈諫議大夫裴某操履貞

純器能溫敏素推集作推望嘗踐清班志業屈於當時風

猷悲於既往顧其胤嗣久在周行雖禮及前脩以申追遠

而恩霑後命宜有贈榮俾高列岳之班更表重泉之飾可

贈使持節陝州諸軍事陝州刺史禮也公天機超邁雅有

大畧氣直而溫性擾而毅貞乃集作可幹事善足救物外坦

蕩豪舉朗然不羈內敦敏純固忠而能力至若輕死重義

身賤名親錢刀集作如蓋王戲公卿若草芥其於履危

身賤名視錢刀

集作帛

如糞土戲公卿若草芥其於獲危

險臨大節則氣冠賁育勁侔風霜未嘗以得喪夷險芥于

胸臆詩云昭明有融高朗令終公實有焉謂宜荷天之休

俾熾而大龍泉未試際駟先往天乎斯才而有斯壽今寵

優八命澤及九原已沐

集作伸

追遠之恩請遵易名之典

寶應二年某月日故吏官某

謹狀

上

尚書省考功夫存以行觀其志歿以謚表其德則賓

集作名

實不虧美

集作善

惡知勸謹按故尚書祠部員外郎贈使持

節陝州諸軍事陝州刺史裴稹鼎鉉公族珪璋命名孝克

負荷忠能匡諫宏圖方壯利涉未息舟壑遽遷音徽已昧

集作沫命官褒德寵荷令章集作合考行飾終敢徵前典謹

上

朝散大夫使持節常州諸軍事守常州刺史賜紫

金魚袋獨孤公行狀

梁肅

仲尼述易道於坤曰君子敬以直內義以方外詩三百一

言以蔽之曰思無邪公天生懿德外方內直氣茂才全發

為時文得大易之中詩人之正邈乎其不可及已七歲誦

孝經先秘書異其聰敏問曰汝志如何句公曰立身行道

揚名之義集作於後是所尚也後傳究五經舉其大畧而不為

章句學確然有可大之業知者益器之十五秘書捐館公

題道集作樹恤在政踰時而後杖由是鄉黨稱孝三集作十餘

以文章游梁宋間通人穎川陳兼長樂賈至敬海高適見

以文章游梁宋間通人頴川陳兼長樂賈至激海高適見

公皆色授心服約子孫之契天寶十三年集作應詔至京

師時玄宗以道蒞天下故黃老教列於學官公以洞曉玄

經對策高第解褐拜華陰尉故集有相房琯方貳憲部請

公相見公因論三代之質又問集作六經之指歸王政之

根源憲部大駭曰非常之才也趙郡李華扶風蘇源明並

稱公為詞宗由是翰林風動名振天下及函洛寇擾公違

難于江南上元初授左金吾兵曹掌都統江淮節度書記

非其好也未幾徵拜右集作拾遺因上疏陳便宜及方鎮

有冒于貨賄舉直錯枉大者十餘事不行皆焚其藁時大

盜之後百度草創而太常典故尤所壞缺公為博士祇考

古道酌沿革之中凡有集作無損益莫不悉悉集作字居其當新平

公主之子裴傲尚永清公主公實相禮初以裴僕射遵慶

主婚中詔長主後夫姜慶代焉公奏曰婚姻人道之大使

異姓主之非禮也且無以示天下臣不敢奉詔上從之又

議定謚法公為謚者蓋跡其事業邪正而褒貶之舉一字

可使賢不肖皆勸故其議呂裡盧奕郭知運等謚皆參用

典禮約夫子之旨其事覈其文高學者傳示以為式時有

上議謂景皇帝未升尊位不宜為太祖詔下百寮公按禮

經以為王者禘其祖之所自出而以其祖配之故三代皆

以受命始封君配昊天上帝唯漢氏崛起豐沛豐公太公

晉無位無功德不可為祖宗故以高帝為太祖若景帝肇

封于唐高宗因之遂以有天下之號天所命也

賢無位無功德不可為祖宗故以高帝為太祖若景帝

曆王業建封于唐高宗因之遂以有天下之號天所命也  
宜百代不遷因具故事條奏從之於是郊廟之禮遂定踰  
月拜公尚書禮部員外郎遷吏部每歲以書判試多士而  
朝列有以文學術者必叅校辨論定其甲乙內科至是公  
分其任求為郡守以行其道除濠州刺史公下車以淮士  
輕剽承兵革之後率多不法長吏不能制遂先董之以威  
格之以政然後用愷弟寬厚漸清其俗三年而闔境大穰  
優詔褒美移拜舒州刺史又以行聞璽書就加朝散大夫  
檢校司封郎中賜金印紫綬其明年吳楚大旱餓夫聚於  
萑蒲者十七八唯舒安阜近者悅遠者來大牙之境草竊  
不入上聞之詔曰斷獄歲減流庸日歸以人俗之豐給當

淮湖之災旱爾守之力也擢拜常州刺史本州都團練使  
 常州為江左大郡兵食之所資財賦之所出公家之所給  
 歲以萬計公削其煩苛均其眾寡物有制事有倫刑罰罕  
 用頗類自息公又謂安人之道清而靜之則定為而察之  
 則擾故寬以居之仁以行之一變而百姓不知其理又一  
 變知其理而不知理之所由比及三年吏不忍欺路不舉  
 遺年穀屢熟一作成一作災害不作甲辰歲冬十月二十日甘露  
 降於庭樹二十七夕乃止嗚呼公庇斯一作人人方仰公  
 彼天不惠降此大厲為郡之囚載大曆十二年四月壬寅  
 晦暴疾薨于位行路慟哭罷市者相尋踰月又吁嗟之聲  
 相聞自寮屬相吏下逮鄉老里尹皆率以備齋祭及奠之

恩哀失喪者數千人惟公體黃老之清爭苞大雅之明

相聞自察屬相吏下逮鄉老里尹皆率以備齋祭及燕飲之

自總衰送喪者數千人唯公體黃老之清淨苞大雅之明

哲尊賢容衆而交不諂瀆本仁祖我而文以禮樂乃至集

至温良能斷應用不滯達識足以表微厚德足以載物善

而不伐光而不耀內不機巧外無緇磷隕然中立豁若虛

受其長人也先教愛而後法禁不遷怒以臨下集故威

而不猛不私已以欺人故易而無備其茂學博文不讀非

聖之書非法之言不出諸口非設教垂訓集之事不行

於文字而達言發辭若山嶽之峻極江海之波瀾故天下

謂之文伯有集二十卷行於代若藝文之士遭公發揚集

揮盛名比肩於朝廷則有故中書舍人吳郡朱巨川中書

舍人渤海高叅今尚書左承天水趙璟職方員外郎知制

浩博陵崔元翰考功員外郎穎川陳京禮部員外郎北海

唐次蘇州刺史高陽齊抗其章章者也其睦親與善自內

姻及朋友所知之家振窮分災恤孤哀喪頒祿歸贈必加

於常人一等故啓手足之日室無餘財惟四布集作侍然賜布

後乃歛議者於是謂公有文子之清子產之仁史魚之直

平仲之與人賈生之行義集作文學文翁之政事叔子之遺愛

而不躋巖廊不享期頤闕致君論道之美以遺史冊故九

百以爲痛在昔孔文子以敏而好學爲文公叔發集有廩字恐非

以恤衛國凶饑爲惠矧公功存於人言垂於代有文有質

不忝前烈者與易名之禮請從令集作舊典謹狀

尚書考功伏以褒德尚賢設教之崇軌加謚易名餽終之

尚書百考功伏以廢德尚賢設教之忠示軌加興溫且勿名歸終之  
令典謹按故朝散大夫使持節常州諸軍事守常州刺史  
賜紫金魚袋獨孤某蘊黃裳之服協中庸之德正詞復禮  
施化爲邦清風存乎省寺遺愛結於黎庶具美之道何以  
尚茲窳窳旣安音徽日遠請追公叔之謚式播臧孫之列  
謹上



卷第九百七十三

文苑英華卷第九百七十三

行狀三

蘇苑英華卷第九百七十三

行狀三

行狀

左僕射韓滉行狀一首

國子祭酒韓洞行狀一首

太子賓客盧邁行狀一首

檢校尚書左僕射同中書門下平章事上柱國晉

國公贈太傅韓公行狀

顧况

曾祖符皇朝潭陽郡太守祖智皇朝河南府士曹參軍贈

吏部郎中父休皇朝銀青光祿大夫太子少保贈司空

滉弟少保贈司徒二唐書作行狀太子少師贈太子太師謚文忠公京兆府萬年縣洪

固鄉胄貴里韓滉年六十五公繼代生賢左右王室鄭武

之賢韋平之美

開元中

解褐授右威衛騎曹參軍丁文忠憂

服闋授京兆府同官縣主簿又丁內憂孝貫神明外除授

太子通事舍人肅宗在靈武授監察御史兼北海郡司馬

充北海節度判官道阻未行除通州刺史尋充山南西道

採訪使判官時宰醜正除彭王府諮議詔授除殿中侍御

史累遷祠部考功吏部三員外郎判南曹尋遷吏部郎中

給事中兵部選事有盜殺富平令倚為禁兵特詔釋之密

疏聞狀遂伏其罪遷尚書左丞知吏部選事有擁馬陳詞

造堦抗議會不再煩主吏垂閱簿書片言遣之莫不心服

拜戶部侍郎判官支管諸道青苗稅戶屬國計空耗上難

其人服勤九年出利百倍左藏之錢至七百萬貫太倉之

粟至數百萬斛其邊儲或五六萬或十餘萬有附大臣聞

與人服勤九年出利百倍左載之錢至七百萬貫大令

粟至數百萬斛其邊儲或五六萬或十餘萬有附大臣聞  
於先帝者引劉向羊頭山黍云權量久差公曰山之南北  
地之肥瘠禾黍不同會內藏有隋朝銅斛果不差異安邑  
解二縣鹽地比歲水漲甚於往年有漫生紅鹽之瑞詔諫  
議大夫檢覆并致祭祠宇號寶應靈慶池宣付史館拜太  
常卿出爲晉州刺史拜蘇州刺史充浙江東西都團練觀  
察處置使尋加銀青光祿大夫改檢禮部尚書兼御史大  
夫潤州刺史鎮海軍節度使依前充浙江東西觀察使令  
行風動無敢犯者自信安洪光東揚捍狼士僧惟曉等結  
連數部熒惑愚昧破其巢窟伏戎自殪山越一清管郡十  
五戶百萬里尹亭長書佐小史令丞牧守通數萬人自公

區處不朽之作乘輿播越畿甸路斷公日遣一使問道齎  
帛表詣行在諸道未知行在營將士無不引還唯公所遣  
兵鎮河南衝要堅守不逃兵馬使董晏將三千人鎮徐州  
部將沈清等頗違軍禁公遣一介齎牒轅門答晏二十沈  
清等六十八人悉按軍令徐方既定轉檢校吏部尚書加  
紫光祿大夫封昌黎公改封南陽天子幸梁州巴山道  
命判官何士幹領健步七百負絞疑練十萬疋上獻天子  
六軍從官扈蹕千里時屬維維夏未頒春衣表至行在衆情  
大悅公又命從事裴樞李倫徵巡內兵甲麾下將士合三  
萬人請翊衛鑾輿收復京邑上深嘉歎特加檢校尚書右  
僕射李希烈衆軍東下志志不志淮濟公即日遣兵馬使王

李長榮栢良器以勁卒萬人泝流千里倍程救援繼及  
睢陽賊已陷襄邑攻寧陵柘矐等突圍乘城矢中元惡兇  
徒懾遁不敢東顧淮南初喪節度使大將王侁帶甲數千  
夜犯城府或出權計者云江南兵至侁兵遂散殺戮甚多  
士卒驕矜爭邀厚賞率居人商旅五十萬緡符牒已行人  
情恟恟公即日遣都虞候李栖華謂兵馬使張瑗等曰收  
復上都六軍未賞節使薨歿豈名爲功賦歛擅興何人造  
意諸將引過橫調立停及大駕還都進封郡公時希烈盡  
銳攻陳州公命諸將與宣武軍合勢破賊數萬人關中初  
復公以爲國無年儲何禦荒儉陳圍已解汴路即通抗表  
請獻軍糧二十萬斛從本道直至滑橋公命判官元友直

草創運務部勒趨程時河中阻兵堅城未拔關河蝗旱軍

食不足船至垣曲王師大振拜檢校尚書左一作僕射同

中書門下平章事加本道度支營田充江淮轉運等使連

歲蝗災仰在轉運公自晨及暮立於江臯發四十七萬斛

舳艫所至近遠慰安貞元元年十一月十一日制曰江淮

轉運使某官某勵精勤職夙夜在公厥有成績可進封國

公初封鄭改封晉前後河南用兵解寧陵睢陽之圍全彭

城要害之地朝廷議勲特賜一字六品正員官又其軍鎮

營宇舟船鞍馬甲仗旗鼓羽革舟漆牛羊六畜難乎校算

應緣兩稅唯有一勝人爭及限吏不到門今江南縑帛勝

於維末二年冬十一月朝覲上深禮重委以大計加度支

諸道監織轉運等使行空巖穴方歸思里主恩彌深列

諸道益鐵轉運等使待空巖穴方歸思里主恩彌深初  
遂違顧謂其族為當溼肝膽身塗草莽上答乾坤時屬西  
北用兵倉庫空竭公和糴五十萬斛無敢奪期米價遂賤  
防秋士馬儲糗更無闕自公當漕運初年四十七萬二年  
七十萬末年一百萬尚結贊者使六蕃抗言逆順之理夷  
虜感動肝膽楚越張權者不敢惕息盜位者退而思過貞  
元三年二月二十五日薨於昌化里私第春秋六十五皇  
帝震悼輟朝三日制曰故某官某應運而生弼諧于我道  
符兩曜德冠八元以武綴邊以文經國方期難老一作式  
作一作宗臣孰謂不融盡瘁而沒雖鄭亡子產衛失柳莊  
惜悼之懷豈過於此過時謂二字撫床憎慟當泉興嗟厚

申徃襚之思載榮優贈之禮可贈大傅前後賻贈布一千疋米粟五百石錢四百萬喪事供官踐歷四朝歲逾五紀炎不執扇晝不伏枕疾無杖屨居必矜莊自同官主簿制一裘褐直為宰相古人無食粟之馬衣帛之妾更爽之屠不足多矣以沙門一行得聖人之道特寫形仰影如宗師癖在春秋精於繫象賦春秋七章著通例六卷并章奏詞畧十餘萬言豁如恒星敦故舊重然諾好古博雅能書善畫夫議大勲者則不書小善舉大德者則畧其細事故不殫論矣公有子第聞斯行諸不敢墜失况以賓客從事日父泣慕清塵謹狀

貞元三年閏五月十八日故金紫光祿大夫檢校尚書左

僕射同中書門下平章事晉國公韓公故吏將仕郎

宣統三年閏五月十八日故金紫光祿大夫檢校尚書

僕射同中書門下平章事晉國公韓公故吏將仕郎前大理寺司直顧况謹上尚書考功伏以柱石元臣勲績光茂孝則先意承志忠則知無不為武能禁暴文以經國翊贊聖明懋建和平沃心造膝簡乎上長策橫疑作宏規振乎外奄從流運恩軫睿慈今日若馳松楸將樹易名之典請舉舊章謹上

朝議大夫

集作朝議即

守太子賓客上輕車都尉賜紫

金魚袋贈太子太傅盧公行狀

權德輿

曾祖勤嘉皇朝散大夫青州司馬隴城縣開國子祖克明皇瀛州高陽縣令贈國子祭酒父沼皇陝州芮城縣尉累贈慈州刺史秘書監河南府洛陽縣遵化鄉恭安里盧邁

字子玄年六十狀公以仁爲輕以義爲用窮四教之根本  
探六籍之菁華其門風士行天下歸重以居室之和移諸  
官署以率性之道弘於事業自解巾試吏至於佩相印不  
爲利疚不爲物遷令名豐祿與之終始推是道也年未志  
學累丁齊斬純孝孺慕外除猶毀博貫儒書不耀其華特  
爲叔舅太傅文貞公之所賞鑒經明策仕補太子正字監  
田尉會府試言拔乎其萃轉河南主簿尋有詔充策賢校  
理建中初上方靖端百度脩起五諫拜右補闕俄換侍御  
史興元元年遷刑部員外郎間一日又以本官兼侍御史  
兼相國蕭公宣慰于江淮奉憂勤之旨宣豈第之澤四牡  
靡及熙熙如春旣復命轉吏部員外郎每歲赴調者雜而

多端廢置關決在於郎吏情偽之所仗姦利之所因攻堅

未導大窾從容折中優而

集作而優

為之又以京師食貧諸孤

衣食為念求出為滁州刺史仁惻之政人到于京懷之朝

廷嘉其理行徵入為司門郎中自時厥後比歲超拜歷諫

議大夫左曹右轄乃參大政皆用德進人無異詞間一歲

遷中書侍郎平章事又一歲感風痺寢疾周月除太子賓

客貞元十四年六月某日薨於家追命太子太傅公寬舒

弘重有姿度風表而憲章品式故事成法經過續密靡不

周貫居諫諍之官言必削橐自非成命頒行而人莫知者

又嘗以考課之法溢美相蒙葦其已然當自二府時居左

垣固辭上第宰相歎其能讓因以從之庶官之濫者知懼

而百職脩矣燮和台階秉直閑邪率循中庸左右皇極德  
輝陶然不見其際詩曰衣錦褰衣裳錦褰裳惡其文之著  
也公誠有之不然豈移疾家居者旬歲上章乞告者七反  
然後得請至於飾終追錫有加禮焉此固存以異於常而  
得之也早歲以遊寓於集作于南譙與崔文貞公講學至穀

梁傳因附經義有以規者文貞慙歎為之著重請銘且曰  
吾以爾為甥亦以爾為友知免於大過矣其推重如此天  
性篤於慈仁厚於情禮每居功總之喪其於言而不議議  
而不及樂率皆容稱其服而有加焉故事宰臣非上公承  
攝之禮園丘齋祠之敬則未嘗以騶騎導出國門者公從  
父第歿於蜀都情事之來道秦赴洛出東門十數里以展

其居部也叔父下邳令休沐至

哀送度越常檢名教多之其居部也叔父下邳令休沐至

其朋來憧憧侍食佐酒彌日通夕與群從之少者冠者均

其指使章絞之外無以異焉再娶無子或以嗣不可絕諭

之他求者則曰吾舅文貞嘗集作常言之矣兄弟之子猶子

也引而進之可以主後事集無此字故自成童至于捐館其所

留於集作于聰明接於心術著中正之外無自入焉歷官俸

賜必振六姻之乏即遠裳惟唯資四布之賻季文之廉忠

張仲之孝友魏舒之弘粹孔光之慎密兼而具之日月有

時蓋徵謚法用是傳信移諸有司謹狀

貞元十四年九月十四日故吏朝議郎守尚書司勳郎中

知制誥雲騎尉賜緋魚袋權德輿謹上

尚書考功有易名本於周道必視其行勸孰甚焉謹按故  
朝議大夫守太子賓客贈太子太傅盧公德範顯昂如大  
圭彛器閨門風訓儀表人倫乃持國鈞以鎮雅俗紮矩居  
易有初有終瞻彼九原既先徵遠之上節其一惠敢忘至  
公之議謹上

太中大夫守國子祭酒潁川縣開國男賜紫金魚

袋贈戶部尚書韓公行狀 前人

曾祖符皇潭陽郡太守祖大智皇河南府士曹叅軍贈吏  
部郎中父休皇太子少保贈司徒謚文忠公京兆府萬年  
縣芙蓉鄉龍遊里韓涸年六十三狀公字幼深其先潁川  
之人自周然於周受封於韓逮獻子而為正卿至景侯而

開列國司馬氏代家言之詳矣公大祖藩徙居潁川人

開列國司馬氏代家言之詳矣公大祖播徙居潁川人繼  
有勲力代名忠孝以至文忠公用醇仁清德左右玄宗致  
中和以爲國經躬愷悌以爲家法公慕成茂緒幼有令聞  
直方簡重博厚弘大該涉羣書尤治春秋詩禮之學必賅  
其奧而踐乎中未弱冠以門蔭補弘文生蒲歲叅調侍郎  
達奚恂唐書作珣矯枉過正以地望降資署章懷太子陵令且  
將察其詞氣以爲銓藻公恬然受署初無愠容當時識者  
知其致遠天寶末盜陷西集作兩京兄姪七人遭離不淑茹  
痛違難寓下江南布衣蔬食不聽聲樂者積六七年友第  
行義士林以爲難翹車辟書旁午而至累授漢中郡江陵  
府二功曹大理司直兼漢中郡司馬蘇州司馬且皆有賓

介之請所至之邦待公政成其於粗集作羈聚其祿廩辦

其治奠具歸于京師七喪祔窆禮無違者名教之士翕然

稱之洪州刺史張鎬以故相之重作鎮江西奏授本州長

史莫徕副使懷來夷落嚮方率教乾元中江淮凶饑相扇

嘯聚而新安郡負山洞之阻為害特甚朝廷推其能名除

睦州別駕知州事俄拜監察御史又轉殿中侍御史賜緋

魚袋充江西都團練判官軍州庶政多所訪決歲餘張終

于位公主介領晉務時具楚剽輕法禁未一每長史交代

人心輒搖公臨以威重撫以慈惠輯寧所集作部以待守

臣李良公峴之充江淮選補使也引干判官多所弘益大

初轉運使晉尚書晏盛選從事分命四方而江淮上流

會奏改屯田員外郎兼侍御史知揚子晉後累

爲之樞會奏改屯田員外郎兼侍御史知揚子留後累歲

寵

集作就

加司封郎中肅給而有守清明而中節有司之移

用不墮上國之經費有倫六七年間號爲稱職名實益茂

徵拜諫議大夫數與左輔闕李翰連上封章極言得失未

幾以本官知制誥叅掌宥密式敷聲明炳然訓辭潤色王

度時元載持衡深相器重公愈不自安每因災青必䟽占

議

集作義

且以西漢賜上尊酒之比深傲

集作警

戒之元終不

悟竟及於禍公以謗

集作旁

累貶邵州司戶今上踐位勵精

理本徵爲淮西淮南等道黜陟使復拜諫議大夫攝衣登

車以澄清風俗爲已任未及行拜權判戶部侍郎專判度

支賜金印紫綬先是公兄太傅忠肅公實居其任受邦國

之比要制財用之均節物力不屈王府以充出牧也厥職

寢集作廢公乃革煩政振舊綱既無暴征亦無遺利罷省

胥吏冗食者二十餘人明年太府卿張獻恭廣廩庫以受

歲杪量入之數又於長安萬年二縣界奏貯米穀數十萬

石視年之豐耗而為之發斂人無艱食歲無災荒雖元凱

之智畧壽昌之功利不是過也上方待集作以大任為執

事者所抑出為蜀州刺史蜀多火災自古所患俗以為常

無所懲禁公到部集作逾月令簡事時里胥不勞州兵多

暇乃省經用之費給太半之庸俾其埏埴以易蓬蓽翬飛

為革相望如雲授之逾年乃償其直三歲在郡四封恬然

關田之汙萊三千餘頃復人之庸亡二千餘戶教之樹藝

觀之生植井絡之下至於今懷以之朝廷陟明表集作表

禪之生植井絡之下至於今懷之朝廷陟明奏集作表謀公

實居最有詔徵還既至拜兵部侍郎在職數月遷京兆尹

兼御史大夫三輔難理轂下尤甚賊泚之後旱蝗相乘連

師十餘萬屯于蒲坂戎裝兵馬仰給京師內安罷外贍

軍實師克濟而人不困公之力焉轉刑部侍郎刑罰者國

之大典所以禁暴而衛善人也而或巧詆比况因緣為奸

公講求紀律明為式例悉以條奏頒於四方吏無舞文人

得從善矣遷秘書監乃奏置五經正本補羣書之缺蓬閣

之中粲然如初復除兵部侍郎累歲改國子祭酒自兵興

已來多趨末流而棄夷波故學者不振而子衿之詩作焉

公曰崇化勵賢本於六籍不學將落吾其憂乎乃表名儒

袁頤章渠年列於 子官講左氏春秋小戴禮樞衣鼓篋之  
徒溢于國庠講誦 聲如在洙泗公所至必化其用無方  
方將荷介杜以錫難老亮天工以績舊服人望未塞以貞  
元十年二月九日寢疾終於昌化里之私第皇情軫悼追  
贈戶部尚書哀榮之禮於公備矣公有識度風鑒而博愛  
容衆與朋友交死生以之明於吏職能斷大事疏達而有  
節粹和而不流約身以周急潔已而恕物先師四教克蹈  
其全中臺六職常居其半無忌之鎮靜安國之忠厚延壽  
之恩信惟公兼而有之允所謂邦之才臣終温且惠者也  
龜筮叶吉日月有期易其名者請徵舊典謹狀三月日故  
太中大夫守國子 祭酒潁川縣開國男賜紫金魚袋贈戶

尚書考功夫士之生也

大御大夫守國子祭酒潁川縣開國男賜紫金魚袋贈

鄧尚書韓公故吏某官謹狀集作上尚書考功夫士之生也

躬五常以致用其歿也節一惠以尊名則善否有章實實  
不撓謹按故韓公嗣直方於舊德播功行於清朝通而有  
守忠而能力樹善匪懈好謀而成課績中臺道光太學大  
雅明哲惟公有之考行飾終古先令典謹撰錄所履布諸  
有司請徵叔發之謚以叶周公之法謹上



卷之三十一

十一

劉清

文苑英華卷第九百七十四



文苑英華卷第九百七十四

行狀四

文苑英華卷第九百七十四

行狀四

行狀

司徒兼侍中北平郡王贈太傅馬燧行狀一首

贈絳州刺史馬府君彙行狀一首

司徒兼侍中上柱國北平郡王贈太傅馬公行狀

權德輿

曾祖君才皇右武侯大將軍南陽郡公祖珉皇左

集作鈐右

衛倉曹叅將累贈尚書右僕射父季龍皇大同軍使嵐州

刺史幽州經畧副使累贈司空汝州郟城縣臨汝鄉石臺

里馬燧字珣

唐書作洵

美年七十太傅英朗特達剛方中王體

苞五常致其用以贊皇極國有二柄壯其猷以合神武終

始盛烈爲唐宗公原夫代有勲德延耀儲社王佐之業至  
公而光年十四從師講學因輟卷喟然曰大丈夫當建功  
立名以康濟天下豈能矻矻爲章句儒耶讀左氏春秋孫  
吳兵法與歷代君臣大本成敗大較忠賢功用竒正方畧  
會其歸趣如指諸掌十九丁內艱泣血三年以孝聞天寶  
末安祿山擁幽陵之師南向以光祿卿賈循爲晉後公以  
書千循勸諸逆將向潤容牛庭玠等然後傳檄伏順可覆  
而取之循疑晉不決竟及於禍踰月間行至恒山時河朔  
披集作攘物情恟懼方以褰衣長裾游談感激因其謀而  
扶義建節者衆矣寶應中陳鄭節度李涼公抱玉移鎮上  
黨雅知公才表爲晉州趙城尉時王師旣破史朝義乃後

洛有迴鵲可汗之助因肆暴而歸以功自負其強難屈

黨雅知公才表為晉州趙城尉時王師既破史朝義乃

河洛有迴鶻可汗之助因肆暴而歸以功自負其強難屈

節將使上介致餼皆懼不敢行公官方解巾急病不讓徑

詣其壘申明要約氣盛詞直虜皆擾集作優從可汗乃授以

旗幟委之供辦且曰有犯禁者公其董之於是藩部肅然

莫不畏服後有酋長求賂於公者立斬十餘人可汗大駭

疾驅出境安人禁暴之畧兆於斯矣河北副元師僕固懷

恩君將相之重恃父子之勇可汗又其子壻也藉以為援

將有異圖公密覘其情靖集作立請為之備初偽范陽節度李

懷仙與相衛恒定等四帥相繼來降懷恩結為黨助奏復

其職至是擁衆據汾上子場圍太原相衛魏鐔以相犄角

至安陽說其帥曰懷恩慙刻以逞欲其子輕佻而好勝人

人自爲計坐待帳下之變耳深陳利病勸喻激切繇是感  
公言至涕泣改圖因約懷仙等三人奉章獻欵旣廻鶻北  
歸懷恩興瑒繼死公之明識遠畧皆此類也本使尋奏改  
左武衛兵曹叅軍歷太子通事舍人著作郎以至祕書少  
監兼殿中侍御史轉營田節度二判官未泰中拜鄭州刺  
史兼侍御史至是頒六條撫四方分憂於上施惠於下時  
兵食方調杼軸其空乃闢其田畝均其戶版每歲一稅百  
姓便之生齒益息度物蕃阜大曆中改懷州刺史其夏大  
旱公以救災沴莫若修教化掩骼埋胔蠲苛恤隱使皆得  
其欲而無窮人端居潔誠默以心禱至七月櫓木滿野厲  
者襁負而至朝廷以汧陽被邊宜得人式之守拜隴州

刺史兼御史中丞公乃訓州師備器備郡城之西有路與  
蕃境相直凡二百餘步上連峻峯公乃躬自行視塞其蹊  
隧功堅力省疆場以寧又置譙門於阨狹之地中制扃鏑  
上施干櫓積歲之患旬日而安連帥憚公威望日盛羈留  
幕府因以受代家居京師者久之先皇帝召見竒其才授  
商州刺史兼御史中丞未旬月屬河湯三城逐其師擇可  
以撫寧之者特拜左散騎常侍兼御史大夫充河陽三城  
使是歲大曆十年也夏五月汴宋兵馬使李靈耀以濮陽  
叛俄據浚郊國家始務靖人特屈常憲因以節度留後授  
之而又結魏師以畧東郡不利六月詔公與淮西節度李  
忠臣夾攻之時寇鋒寢盛忠臣每合皆北將棄師以免者

數矣公嘗激以壯志或給之吉夢忠臣旣慚且憤引師復還先是請忠臣軍汴南公軍汴北每與虜确所向無前敗之於滎澤又破之於西梁固至是靈耀以其勇悍者八千人號爲餓狼營盡銳來拒公引戲下決戰遂勝入郟時魏之救兵二萬距大梁三千里所疑是許公又合諸侯之師用竒設伏以敢死士三千人鼓譟先登大敗之魏將軍單騎遁去靈耀以其徒霄潰翌日餘黨以城內八千人降於公公悉讓忠臣推而不處閉壘移疾退於坂橋其士吏鹵獲悉以家財購而復之大梁之人至今知感履險則忠以盡敵成功則讓以保身此又將帥之明哲也十二年三月詔復魏博之地諸侯班師公乃歸鎮河陽秋雨暴至河流決

溢軍吏等具載糧請公登舟以避公曰城中凡數十萬戶

覆魏博之地諸候班師公乃歸鎮河陽秋雨暴至河流決  
濫軍吏等具檄擢請公登舟以避公曰城中凡數十萬戶  
吾實主之而苟以一家求安所不忍爲旣而人皆感泣水  
不爲患十四年閏五月皇帝旣位深燭理本以太原王業  
所起國之北門非勲德爛然者不能鎮定特拜工部尚書  
兼御史大夫太原尹北都留守充河東節度觀察等使於  
是脩班制正事典險其走集訓其輿師講車徒戰陣之法  
教金鼓聲氣之節分畫之下變化如神自是烽候罷警旬  
奴不敢南向而牧矣建中二年夏六月來朝京師加兵部  
尚書封豳國公初魏博席伯父之勢而得專地旣踰年與  
東平常山復爲從約七月魏以兵三萬圍邢州攻臨洛昭  
義節度上請公爲援朝廷許之十月公會昭義之師與神

策行營兵馬使故太尉西平王於漳州先是魏以浚郊之

敗龍公威望至是以節度之師專征伐之任兵刃完利部

校訓齊軍聲大振士氣益勵魏人又分銳騎合恒定李惟

岳之衆萬人集作於臨洛南雙岡下樹柵以自固公自晨至

晦急擊大潰殺其將楊朝光時臨洛之圍濠集作楊壘四匝

復與招義鼓行而集作軍前腹背受敵塵翳景士皆決死

凡百餘合公自據西濠口扼其喉以藁鼓之克徒斃踏亂

相蹂蹈收其車重兵械各數十萬魏人棄集作委營而遁邢

圍迎漬上嘉其功拜尚書右僕射先是公與軍吏約曰苟

戮力成功者當竭產以賞至是悉索家錢與車服臧獲等

莫其價之上下視其功之薄厚散於軍中約五十萬且曰

苟可以夷患難勉師人未誠之外無非長物故盡其私積

莫其價之上下觀其功之薄厚散於軍中約五十萬且曰  
苟可以夷患難勉師人赤誠之外無非長物故盡其私積

賈其餘勇士皆歔歔感激集作爭以効命報焉優詔褒異

命史臣書之且詔有司以量入之賦如其數以復於公其

毀家佐軍輕費集作厚下皆此類也三年正月魏人又乞

師於東平恒山衆且四萬壁於洹水公曰不備不虞不可

以師且以河陽三城常所訓定上請爲助有詔從之乃建

三橋夾河爲壘乘變出奇如環無端初則銜枚以趨敵因

乘其未備後則薙草以滅火使計不得用然後分銳士騖

馳以犯之而後從之獲首給者殆半餘皆走林溺水僵戶

相屬腥穢川陸公愀然曰是皆平原人也彼但暴服之耳

亦既就死集作忍其委骨肉如是耶使得以族屬收瘞既

而聞者

生聞作

知感繇是洛博二州偽署刺史各以其地來

降鄴魏之間以咫尺之書招下二十餘城朱滔誘其隣帥

復來助寇四月公有魏城之捷五月詔同門下平章事仍

封北平郡王時諸軍連捷師留且久或有

集作已

復其侵地

則怠於攻取公具以上聞有詔辨方節度李懷光應援征

討六月朱滔以漁陽之甲三萬至于誠下初諸侯有議班

師者公曰彼三戰三北假息孤城且宿兵十萬聞援強而

退縱敵生患何以復命於朝廷耶旣而郡師相勵皆百其

勇七月加魏州大都督府長府仍充魏博澶相四州節度

招討等使四年二月又敗之於成

集作城

安魏軍退于館陶

濼壁以自固以十月盜巨竊發鑿輅狩于近郊公忠憤逾

通集作密圖方畧懷光統朔方之旅乘歸心以赴難公

通鑑 以自固以十月盜匪竊發盤駘於近郊公忠憤逾

逼集作密圖方畧懷光統朔方之旅乘歸心以赴難公

臂伏泣以大節感動之時朱滔招連北虜邊鄙日聳公謂

諸將曰夙駕整旅以扈屬車人臣之分也集作儻北都不

守即兩河三川挫矣豈行師捍患之義也耶乃還太原遣

行軍司馬王權統銳騎五千與監軍使者赴在集作又

令男彙與大將等男各一人赴焉軍食祿賜噐備服用一

以條奏獻於行宮公初旋師也以晉陽大鹵用武之地北

蕃東夏且有外虞而都城之東平坦受敵乃股引汾晉三

川漲為平湖能順地泐以導水勢守陴者歲減其役濱河

者日厚其生而又廣堤濬池密樹如織金湯自固板榦不

勤其明智善利之及人也如此公自出車累歲功捷相繼

而軍中衣食多出寇境河東之人皆調給饋餼之勞歲減其賦封內相賀因中貴人以聞願刻金石詔從其請公避名不伐懇疏方止其勞謙之詞邦人誦之此所以尊而光晦而彰者也公常揣摩諸侯開導勸善能通其變以誘其衷盡益友之直諒啓純臣之志畧因所以建大順立大勳者有焉興元元年二月李懷光貪天犯上衡連逆泚脅其人以河中叛公威聲素振攘地相接支郡屬城降者繼至秋七月皇帝旣平大盜乃清宮廟如河東保寧奉誠等軍行營副元帥有詔許公與諸軍同討河中九月旣望師及于絳僞刺史王克同棄城而遁餘黨來降分徇下縣進軍寶鼎斬其將條唐書伯文先是懷光之師勇於鞏突至是

獲甲首千數兇徒奪氣矣貞元元年六月公以軍國大務

獲甲首千數兇徒奪氣矣貞元元年六月公以軍國大業  
非表章所盡釋位來朝親稟睿略乃屈指成筭請三旬芻  
粟以平之秋七月與河中節度使令侍中咸寧王及同華  
邠寧之師次于長春宮公以單騎傳于城下召大將徐廷  
光西向受命且以君恩喻之曰兵興以來逾三十年而朔  
方之師最爲忠力今乘時自效若建瓴水豈甘心畚禍終  
汙鋒刃耶開陳逆順聲涕交感又曰跬步之內矢石所及  
若决爲匪人亦在今日因披襟直前當之庭光頰伏拜泣  
莫敢仰視抗詞未畢堅壁洞開公徑入撫安奉宣皇澤於  
是城中周呼曰吾等復爲王人矣八月公與咸寧合軍而  
東至于焦離堡降其將尉珪乃次河中陣于城下懷光傳

首其衆請命是舉也不勞師獻功如其平素

集作素焉

就加侍

中歸鎮北都三年二月來朝京師寇戎旣清乞罷藩鎮六年拜司徒兼侍中詔有司具儀法冊命禮賜備厚昭德報功人臣榮之屯師河中也靈武節度杜希全獻體要八章上因著君臣箴以賜之公奉表陳賀上又賜公宸宸台衡銘各一首公令男暢詣闕謝恩並請搦而書之於起義堂之側詔下優答其畧曰卿有訐謏濟代之誠保衡輔朕之志情之所尚遂飾以詞此夫盤盂自銘亦冀輔佐同德遂許刻石兼賜題額寵渥之盛冠耀當時五年九月嘗與故太尉西平主同對於別殿上曰卿二人與朕休戚是同各賜圖形麟閣并御製文命皇太子書于閣壁至於君使臣

臣事君選賢與能之盛盡忠作憲之績煥乎天文與日月  
並明矣九年十月公以足疾久闕朝請因至中書奉表起  
居召對拜舞手悞至地上驚遽自起以接之公慙惶跼躄  
感甚以泣上曰元首股肱本爲同體卿之疾痛何異朕身  
乃遣中使梁懷幹扶掖下殿十一年二月以年及懸車再  
表讓侍中優詔敦獎終不得請八月十七日薨于安邑里  
私第皇帝震悼不視朝四日先是詔宰臣詣宅問疾御醫  
禁方旁午於途疾劇遺表指陳邊事純誠至公言不及私  
薨之明日詔贈太傅又詔文武百寮就宅吊哭京兆尹護  
喪萬年令爲副司農卿嗣吳王巖充吊祭使鴻臚少卿王  
權爲副賻贈絹二千疋布五百端米粟二千石二十七日

卷之二十一

命太常卿裴郁副使少府少監路恕備禮持節冊命上所

以待大臣之禮備矣惟公始以文史叅佐至于牧守師集作

將帥公業見乎變德刑焯於時所以順天明從君命布皇

澤宣國威能竭忠力而為藩衛理軍如家馭下以誠拊循

厚而士勵法禁明而衆整誓師鞠旅皆樂為用料敵制勝

如在殼中此戰之所由克也凡再分兵符而三破剽賊開

相府十四年以上公居中者九年至於盡沃心之言當注

意之重密啓詭詞人莫得而知之昔舜之官人也高作司

徒龍作納言惟公居之周之命將也方叔元老申伯于藩

惟公嗣之加以馮異之推功趙奢之饗士子囊之城郢文

子之不屬其子惟公備之故藏時為饕追遠盛公侯之禮

會朝鳴玉拜後聯一卿士之榮公之展孝也公之教忠也凡

會朝鳴玉拜後聯卿士之榮公之展孝也公之教忠也凡  
自府辟多爲國華登中朝以潤王度分外闕而貞師律公  
之知人也公之舉善也洪範之乂用三德嚮用五福惜公  
不踰期頤其他則無不及也德輿自右集作左補闕三歲而  
爲右史掖垣之屬備承功烈褒獎之禮獲奉命書來今先  
遠有期祖載將及易其名者敢告有司謹狀貞元十一年  
十月十六日宣德郎守起居舍人制誥雲騎尉權德輿謹  
上尚書考功夫建侯行師先王之所以懲不恪也考行尊  
名先王之所以勸人臣也謹按故司徒兼侍中上柱國北  
平郡王贈太傅馬公勤勞王家功德茂盛其謀猷合於君  
其忠利加於人也用登公相以殿邦國今體魄則降日月

有特敢錄實行請徵謚法謹狀

集作上

贈絳州刺史馬府君行狀

韓愈

君韓彙字某其先為嬴姓當周之衰處晉為趙氏晉亡而趙氏為諸侯其後益大與齊楚韓魏燕六國俱稱王其別子趙奢當趙時破秦軍闕與有功號馬服君子孫由是以馬為氏梁有安州刺史侍中贈太尉岫生喬卿任襄州

主簿國亂去官不仕喬卿生君才隋末為薊

集作薊

今燕王

藝師之以有幽都之衆武德初朝京師拜武侯大將軍封

南陽郡公卒葬大梁新里趙郡李華刻碑頌之君才生珉

為王鈴衛倉曹參軍事贈尚書左僕射生季龍為嵐州刺

史贈司空清河崔元翰銘其德於碑在新里司空生燧為

自徒侍中北平王贈太傅謚壯武武少一勳勞在策書君某

司徒侍中北平王贈太傅謚莊武武之勳勞在策書君某

長子也少舉明經司徒公作潘太原城河南府參軍建中

四年司徒公使將武人子弟才力之士三百人朝行在扞

衛獻御服用物弓甲煮器幄幕奔走危難上嘉集作喜非其勤

超拜太常丞賜章服遷少府少監太僕少卿司徒公之薨

也刺臂出血書佛經千餘言期以報德廬墓側植松柏終

喪又拜太僕少卿疾病一年貞元十八年七月七蜀本二

十五日終于家凡年四十有五其弟少府監暢上印綬求

追贈贈絳州刺史布帛百疋君在家行孝友待賓客朋友

有信義其官守集作官舍恭慎舉職其朝獻奉父命不避難其

居喪有過人行初司徒公娶河南元氏封潁川郡夫人贈

許國夫人許國薨少府始孩顧託以其姪爲繼室是爲陳

國夫人陳國

集作夫人

無子愛君與少府如已生其薨也君與

少府喪之猶實生已親負上封其墓夫人滎陽鄭氏王屋  
縣令况之女有賢行侍君疾逾年不下堂食菜飲水藥物  
必自擇將進輒先嘗方書本草置左右男二人赦前左  
衛倉曹參軍敷右清道率府中曹參軍女子二人在室雖  
皆幼侍疾居喪加成人愈旣世適家詳聞其世系事業今  
葬有期日從少府請掇其大者爲行狀訖立言之君子而  
圖其不朽焉

文苑英華卷第九百七十四

文苑英華卷第九百七十五

行狀五

文苑英華卷第九百七十五 行狀五

行狀

秘書少監陳京行狀一首

段大尉逸事行狀一首

右散騎常侍宜城伯柳公行狀一首

秘書少監陳公行狀

柳宗元

五代祖叔明陳宜都王魯祖某皇會稽郡司馬某皇晉陵

郡司功參軍父兼右補闕翰林學士贈秘書少監某州某

縣某鄉某里陳京年若干狀公姓陳氏自潁川來隸京兆

萬年胃貴里諱京既冠字曰慶復舉進士為太子正字咸

陽尉太常博士左補闕尚書膳部考功員外郎司封郎中

給事中祕書少監自考功已

集作

來凡四命為集賢學士

德宗登遐公病疴輿曳就位備哀敬之節由是滋甚遂以

所居官致仕貞元二十一年四月二十五日終于安邑里

妻黨之室無子伯兄前監察御史璫仲兄前大理評事萇

以公文行之大者告于嘗吏于公者使辭而陳之大曆中

公始來京師中書常舍人袞楊舍人炎讀其文驚以相視

曰子雲之徒也常以兄之子妻公由是名聞遊太原太原

尹喜曰重客至矣授館致餼厚以泉布獻焉公曰非是為

也某嘗為北都賦未就願即而就焉其宮室城郭之太河

山之富關閉之壯與其土疆之所出風俗之所安王業之

新由興苟得聞而覩之足矣若曰受大利是以利來非

前志也吾不能敢辭遂逆大河踰北山彷彿而歸賦成

與若得聞而觀之足矣若曰受大利是以利來非

鑑前志也吾不能敢辭遂逆大河踰北山徜徉而歸賦成  
果傳天下為咸陽尉留府廷主文章決大事得其道為博  
士舉疵禮脩墜典合于大中者眾焉涇人作難公徒行以  
出奔問官守段忠烈之死上議罷朝七日宰相曰不可方  
居行官無以安天下公進曰是非宰相之言天子褒大節  
褒大臣天下所以安也况其特異者乎上用之其勞勤侍  
從謀議可否時之所賴者大巡狩告集住至上行罪已之  
道焉曰凡我執事之臣無所任罪予惟不謹於理而有是  
也將復前之為相者公曰天下加惠羣臣而引慝焉德之  
厚也而為相者復無以大警于後且示天下率其黨爭之  
上變於色在列者咸恟而退公大呼曰趙需等勿退遂進

而盡其辭焉不果復上迎訪太后聞集作問數歲外頗怠其

禮公密疏發之天子感悅焉初禮部試士有與親戚者則

附于考功莫不陰授其旨意而為進退者及公則否卓然

有有司之道不可犯也太廟闕東向之禮且久矣公自為

博士補闕尚書郎給事中允二十年勤集作勒以為請殷祭

之不隧繫公之忠懇是賴故有有赤綬銀魚之報焉昭陵

山峻而高寢宮在其上內官懲其上下之勤輓汲之難也

謂于上請更之上下其議宰相承而諷之召官屬使如其

請公曰斯太宗之志也其儉足以為法其嚴足以有奉善

敢顧其私容而贊集作替之也奏議不可上又下其議凡是

公者六七人其餘皆曰更之便上獨斷焉曰京議得矣從

在集賢奏秘書省官六員只隸殿內而刊校益理納資為

公者六七八人其餘皆曰更之便上獨斷一焉曰京議得與從  
之在集賢奏祕書官六員隸殿內而刊校益理納資爲賈  
而仕者罷之求遺書凡增繕者乃作藝文新志制爲之名  
曰貞元御府羣書新錄始御府有食本錢月權其贏以爲  
贖有餘則學士與校理官頒分之學士常受三倍由公而  
殺其二書史之始至入禮幣錢六十緡亦皆分焉公悉致  
之官以理府著作書閣廣羣官之堂不取於將作少府而  
用大足居門下簡武官議典禮上以爲能益噐之與信臣  
議且致相位遇公有感疾使視之疾甚不能知人遂不用  
鄭吏部高太常爲相而以祕書命公所以示優之也公有  
文章集作章若干卷深茂古老慕司馬相如楊雄之詞而其  
詰訓多尚書爾雅之說紀事朴實不苟悅於人世得以傳

蓋其學自聖人之書以至百家諸子之言推黃炎之事涉  
歷代洎國朝之故實鈎引貫穿舉大苞小若太倉之蓄崇  
山之載浩浩乎不可知也豈揚子所謂仲尼駕說者耶夫  
其忠烈之褒也相府之有誠也太廟之東向也昭陵之不  
更其故也官守之不奪也立言之不可誣也利之不苟就  
也害之不苟去也其忠類朱雲其孝類穎考叔其廉類公  
儀休而又文學以輔之五文字集作以之學以輔之而天子以為之知  
既得其道又得其時而不為公卿者病也故議者咸惜其  
始焉哀其終焉公之喪凡五十四日而夫人又歿毀也夫  
人之父曰借司農卿祖曰某贈太子太保宗元故集賢史  
進得公之遺事於其家書而授公之友以誌公之墓誌狀

貞元八年

集作水貞元年是

八月五日尚書禮部員外郎柳宗元

狀

段大尉逸事狀

前人

大尉始為涇州刺史時汾陽王以副元帥居藩王子晞為

尚書領行營節度使寓軍汾州縱士卒無賴邠人偷嗜暴

惡者率以貨竄名軍伍中則肆志吏不得問日羣行丐取

於市不謙輒奮擊折人手足推釜菑甕益盈

集住作棄

道上袒

集把作

臂徐去至撞殺孕婦人邠寧節度使白孝德以王故

戚不敢言太尉自州以狀白府願計事至則曰天子以生

人分

集住作付

公理公見人被暴害因恬然且大亂若何孝德

曰願奉教太尉曰某為涇州甚適少事今不忍人無暴寇

集作寇暴死以亂天子邊事公誠以都虞候命某者能為公已

亂使公之人不得害孝德曰幸甚如大尉請既署一月晞

軍士十七人入市取酒以刃刺酒翁壞釀器酒流集作溝

中大尉列卒取十七人皆斷頭注槊上植市門外晞一營

大謀盡甲孝德震恐召大尉曰將柰何大尉曰無傷也請

辭於軍孝德使數十人從大尉大尉盡辭去解佩刀還老

甧者一人持馬至晞門下甲者出大尉笑且入焉曰殺一

老卒何甲也吾戴吾頭來矣甲者愕因諭曰尚書固負若

屬耶元帥固負若屬耶奈何欲以亂敗郭氏為白尚書出

聽我言晞出見大尉大尉曰副元帥勲塞天地當務一作

始終今尚書恣卒為暴且亂亂天子邊欲誰歸罪罪且及

始終今尚書恣卒為暴且亂亂天子邊欲誰歸罪罪且及

爾亮即今邠人惡子弟以貨竄名軍籍中殺害人如是不  
止幾日不大亂大亂由尚書出人皆曰尚書倚副元帥不  
戢士然則郭氏功名其與存者幾何言未畢晞再拜曰公  
幸教晞以道恩甚大願舉集作奉軍以從顧叱左右曰皆解  
散還火伍中敢譁者死大尉曰吾未晡食請假設草具  
既食曰吾疾作願留宿門下命持馬者去旦日來遂卧軍  
中晞不解衣戒候擊折衛大尉且俱至孝德所謝不能請  
改過邠州由是無禍先是大尉在涇州爲營田官涇大將  
焦令謨取人田自占數十頃給與農田且熟歸我半是歲  
大旱野無草農以告謨曰我知入數而已不知旱也督  
責益急農且飢死無以償即告大尉大尉判狀辭甚異使

久來

集作永

諭謀謀盛怒召農者曰我畏段某耶何敢言我

判鋪背上以大杖擊二十垂死輿來庭中太尉太泣曰乃

我困汝即自取水洗去血裂裳衣瘡手注善藥旦夕自哺

農者然後食取騎馬賣市穀代償使勿知淮西寓軍帥尹

少榮剛直士也入見謀大罵曰汝誠人耶涇州野如猪人

直飢死而不得穀又用杖擊無罪者段公仁言大人也而

汝不知敬今段公惟一馬賤賣市穀入汝汝又取不耻凡

為人傲天災犯大人擊無罪者又取仁者穀使主人出無

馬汝將何以視天地尚不愧如奴隸耶謀雖暴抗然聞言則

大愧流汗不能食曰吾終不可以見段公一昔

集作夕同

自恨

及太尉自涇州以司農徵戒其族過岐朱泚幸致貨幣

勿納及過此固致大綾三百一兩集作太尉將韋稱擊

慎勿納及過泚固致大綾三百一兩集作太尉壻韋晤擊拒

不得命至都太尉怒曰果不用吾言晤謝曰處賤無以拒

也太尉曰然終不以在吾第以如司農治事堂樓之梁木

上泚反太尉終吏以告泚泚取視之其故封識具存

段太尉逸事如右

元和九年某月日守永州司馬員外置同正員柳宗元謹

上史館今之稱大尉大節者集作忠以為武人一特奮不

慮死以取名天下不知大尉之所立如是宗元嘗出入岐

周邠縻間過真定北上馬嶺歷亭郭堡戍竊好問老校退

卒能言其事大尉為人煦煦集作常低首拱手促集作步

言氣卑弱未嘗以色待物人視之儒者也遇不可必達志

决非偶然者會州刺史崔公來言行信集作信行直備大尉遺

事覆校無疑或恐上逸墜未集大史氏敢以狀私於執事

謹狀

故銀青光祿大夫右散騎常侍輕車都尉宜城縣

開國伯柳公行狀

前人

魯祖善才皇荆王侍讀祖尚素皇潤州曲河縣令父慶休

皇渤海郡渤海縣丞贈蔡州刺史工部尚書汝州梁縣梁

城鄉思義里柳渾年七十四狀公字惟深其先河東人晉

永嘉年有濟南太守卓者去其土代仕江左公實後之柳

氏自黃帝后稷降於周魯以字命族因他受氏載在左氏

內外傳及太史公書自卓至公十有一代為士林盛族著

南朝 代史及柳氏一家謀惟公質貌魁傑度量宏...

平南朝 代史及柳氏家謀惟公質貌魁傑度量宏大私  
 和博達而遇節必立恢曠放弛而應機能斷其居室奉養  
 撫字之誠儀于宗戚而內行著其蒞政柔仁端直之德洽  
 于府寺而外美彰焉凡為學畧章句之煩亂採摭奧旨以  
 知道為宗凡為文去藻飾之華靡洋洋自肆以適已為用  
 自始學至於大成耽嗜文集注意鑽礪倦不知遊息威不  
 待擾楚儒言經蜀本作雅音夙有聞知年十餘歲有稱神巫來  
 告曰若相法當天且賤幸而為釋可以緩而死耳位祿非  
 若事也公諸父素加撫愛尤所信異遽命奪去其業從巫  
 之言也公不然之二字集作可且曰夫性命之理聖人所罕言  
 播紳者集有不道巫何為而能言之耶集作畫且令從之

而生去聖人之教而為異術不若速死之愈也於是為學

甚篤其在童幼固不惑於譎恠集作恠矣開元中舉汝州進

士計偕百數公為之冠禮侍郎韋陟異而目之一舉上第

調授宋州 父尉操斷舉措通乎細大潔廉檢守形於造

次加雲騎尉秩蒲江南西道連帥聞其名辟至公府以信

州都邑人罹凶害靡斃殘耗假守永豐令公於是用重典

以滅奸暴鋪大和以惠鰥寡毆除物害消去人隱吏無招

權乾沒之患政無犯令龍藏集作藏之嘉宰制聽斷漸於無

訟集作訟息耕夫復於疆封集作封商旅交於關市既度而富廉

耻興焉既富而教庠塾列焉里閭大變克有能稱遂表為

淇州豐城令到職如永豐之政而仁厚加焉授衢州司馬

大器宏者耻効以圭撮之任足逸者難局以尋常之地公

美器宏者耻効以圭撮之任足逸者難局以尋常之地公

遂滅跡藏用逝隱于武寧山羣公交書諸侯走幣皆謝絕

不就方將究賢人之業窮君子之儒味道腴以代膏梁動

德耀集作德耀而輕紱冕遺榮養素恬淡如也朝右籍甚有聲

徵拜御史公曰君命也安敢逃乎即日裝束上道公常好

大體不為細故家之迫速集作束非其志也以疾辭授右補

闕不隱忠以固位不形直以干集作干名除殿中侍御史賜

緋魚袋赴江西與租庸使議復權鐵及常平倉便宜制置

得以專任蜀本作征和鈞關石之緒出納平準之宜國利人逸

得其要術集作速遷侍御史充江南西道都團練判官時屬

支郡不知遵帥之職公請出巡盡征之地大詰姦謬所至

風動其有非常之政裕于人者必舉其課績歸之使府而

集無而字

又以文采慤懃歌詠之俾其風謠誦聲聞于他部達

于京師而後已改祠部員外郎轉司勳郎中餘如故就拜  
袁州刺史公於是酌古良牧之政宜於今者宗而奉之考  
諸理國之說稱于人者承而守之均利器用以致其富昭  
明物則以教之禮示優裕之德以周惠利緩九賦推廣厚  
之心以固和慈保萬人明其制量臨長羣吏示之法禁考  
中備敷無不得其極理行高第朝廷休之召拜諫議大夫  
充浙江東西道黜陟使將舉其能政端于外邦也公則脩  
虞書之考績舉漢代之課第處事詳譎無依違故縱之敗  
奉法端密無隱忌峭刻之文時分部所繫於公尤重陵江

並海竟吳越之域皆所蒞焉復命稱職加朝散大夫又詳

並海竟吳越之域皆所蒞焉復命稱職加朝散大夫又拜  
左庶子集賢殿學士奉翊儲后脩其宮政統理文籍紀千  
祕府尚書左丞直而多容簡而有制去苛削之文而吏皆  
率法務弘大之道而政不失中加銀青光祿大夫遷爲右  
散騎常侍溼卒之亂公以變起卒遽盡室奔匿于終南山  
賊徒訪公所在追以相印旣及公而問焉公變名氏以給  
之捐家屬以委之賊遂執公愛子榜篋訊問折其右肱而  
公不之顧即步入窮谷披草徑踰秦集作秦嶺由褒駱朝于  
行宮上嘉其誠節不時召見公頓首流涕累陳計畫賊平  
策勲賜輕車都尉封宜城縣開國伯拜尚書兵部侍郎初  
公名載字元輿至是奏請改命以滌僞署之汙是歲盜據

淮許方議討戮宰相以大理評事李元平者有名以爲才  
堪攘寇拜爲汝州羣臣望聲徇利者皆曰德舉公獨慷慨  
言於朝曰是夫喋喋銜玉而賈名者也王衍誤天下殷浩  
敗中軍華而不實異代同德徃且見獲何寇之攘時人不  
之信也未幾盜襲汝州以元平歸凡百莫不嗟服焉俄以  
本官同中書門下平章事登庸聖集作卷匡弼大政造  
膝盡規諫之志當事無矜大之容援下情于上以酌天心  
順嘉譽于外用彰君德故一有績用茂著而人罕知之然  
其彰布于外敷聞在下者十有一二焉貞元初上以旬服  
長人天下理本於是親擇郎吏分宰於京師外部未幾而  
人謐大和擊壤之頌歸於帝力上召丞相告之左僕射

事張延賞

人謠大和擊擊壤之願歸於帝力上召丞相告之左僕射

章蜀本有事張延賞忤蹈稱慶公俯伏不賀且曰旬服之

政固宜慎重然則此胥胥者特京兆尹之職耳陛下當擇

臣輩以輔聖德臣常選京兆以承大化京兆當求令長以

親細事夫然後宜捨此而致理可謂愛人矣然非王政之

大倫也不知所賀上深然之漢惠愔曹參之絳侯慙曲逆

之對考之前志我無負焉既而西戎乘間入邑詐以請盟

侍中北平王璲建議許之自公卿已集作下莫有異慮公

獨陳謀獻畫言戎之詐固不可許竟畱中不下而前議遂

行於是冊命上將蒞盟諸戎果縱兵逼好大毆掠而去上

召對前殿嘉嘆者久之時諫臣有廷爭陷於訕上者上未

之善也公從容候間陳古以諷所以示寬裕之德招讜正

之言詞旨切直意氣懃懇動合聖謨卒見納用無何工人  
有以埋乘輿服噐得罪于左右者有司以盜易御物請論  
如法制初可之公不奉詔因抗疏曰跡其罪狀未甚指明  
方春殺人懼集作傷和氣上覽之大悅即原其罪刑官慎  
恤之事正於邦典

聖君含育之德彰于天下論者難之時上相與光祿卿裴

腆不協候公休沐以御酒或闕陰請貶之制命旣行公堅

執不下請訊支計之吏按其供入之實原本定罪窮理辯

刑而腆竟獲宥克復本職白志貞有羈勒之勤獻利集作

屢中上嘉其功效特寵異之方議大用公以爲胥徒雜類

辭自微賤負乘致寇盜之招也累疏以聞而止公竭誠盡

忠慮勞庶務有老忘之疾懇懇逼集作陳讓除右散騎常侍

悲憂勞庶務有耄忘之疾懇逼

集作迫

陳讓除右散騎常侍

罷知政事貞元五年二月五日薨於昌化里終於散地故

褒贈不及惟公致君之志孜孜焉不有怠也立誠之節侃

侃焉無所屈也故處心積慮博蹇之道表于朝端弼違釋

面朴忠之誠沃於帝念內有敢言之勇進當不諱之明用

能直道自達而無罪悔者也公累更重任祿秩之厚布于

宗姻無一厘之主以處其子孫無一畝之宮以聚其疾屬

待祿而飽傭室而安終身坦蕩而細故不入其達生知足

落落如此夫其孝恭慈仁義行也

集作子恭父慈善行也

拊循至理

能政也直廉潔靜儉德也拒疑獨斷明識也

冒危以扞

牧圉大節也犯顏以陳訐謨至忠也有一于此尚宜旌褒

矧茲備體鳥

集作馬

可以已固當飾以榮號章示後來而故

吏遺孤淪寓遐壤久稽尋典罪在宗屬敢用評騭舊行敷

贊遺風若乃揚孔氏褒貶之文舉周公懲勸之法徵於誅

謚則有司存謹狀

貞元十五年三

集作正

月日故銀青光祿大夫右散騎常侍

輕車都尉宜城縣開國伯柳公孫將仕郎守集賢殿正字

元謹上

後有尚書考功狀英華元編  
在八百四十一卷謚議門

文苑英華卷第九百七十五

文苑英華卷第九百七十六

行狀六

文苑英華卷第九百七十六

行狀六

行狀

檢校尚書左僕射中書門下平章事兼汴州刺史董

公晉行狀一首

檢校禮部尚書東海公徐申行狀一首

尚書吏部侍郎韓愈行狀一首

鞏縣令白府君行狀一首

襄州別駕白府君行狀一首

金紫光祿大夫檢校尚書左僕射同中書門下平

章事兼汴州刺史充宣武節度副大使知節度事

管內度支營田汴宋毫穎等州觀察處置等使上

柱國隴西郡開國公贈太傅董公晉行狀

曾祖仁琬皇任梁州博士祖大禮皇贈右散騎常侍父伯良皇贈尚書左僕射公諱晉字混成河中虞鄉萬歲里人少以明經上第宣皇帝居原州公在原州宰相以公善爲

文任翰林之選

集有說以二字

聞召見拜祕書省校書郎入翰林

爲學士三年出入左右天子以爲謹愿賜緋魚袋累昇爲衛尉寺丞出翰林以疾辭拜汾州司馬崔圓爲揚州詔以公爲圓節度判官攝殿中侍御史以軍事如京師天子識之拜殿中侍御史內供奉由殿中爲侍御史入尚書省爲主客員外郎由主客爲祠部郎中先皇帝時兵部侍郎潘婚迴紇立可敦詔兼侍御史賜紫金魚袋爲丞判官迴

紇之人來曰唐之復土疆併以集作迴紇之力焉約我爲

紇之人來曰唐之復土疆似

集作取

迴紇之力焉約我為藩

焉馬既入而歸我賄不足我於使人乎取之亟懼不敢對

視公公與之言曰我之復土疆爾信有力焉吾非無馬而

與爾為市為爾賜不既多乎爾之馬歲五至

集有吾字

數皮而

歸資邊吏請致詰也天子念爾有勞

集有故字

下詔禁侵犯諸

我畏我大國之爾與也莫敢校焉爾之父子寧而畜馬蕃

者非我誰使之於是其衆皆環公拜既又相率南面序拜

皆兩舉手曰不敢復有意於大國自迴紇歸拜同勳郎中

未嘗言迴紇之事遷祕書少監歷太府太常二寺亞卿為

左金吾衛將軍今上即位以大行皇帝山陵出財賦拜太

府卿由太府為左散騎常侍兼御史中丞知臺事三司使

選擢才俊有威風始公為金吾始集作未盡一月拜太府由

太府集無此三字九日又為中丞朝夕入議事於是宰相請以

公為華州刺史潼關防禦鎮國軍使朱泚之亂加御史大

夫詔至于上所又拜國子監祭酒兼御史大夫宣慰恆州

於是朱滔自范陽以廻紇之師助亂人集作心字大恐公既出

至恆州即日奉詔出兵與滔戰大破走之還至河中李懷

光反上如梁州懷光所率皆朔方兵公知其謀與朱泚合

也患之造懷光言曰公之功天下無與敵公之過未有聞

於人某至上所言公之情上寬明將無不赦宥焉乃能為

宋泚之臣乎彼為臣而背其君苟能集作得志於公何有且

公既為太尉矣彼雖寵公何以加此彼不能事君能以臣

事公乎公能事彼而有不能事君乎彼知天下之怒朝也

事公乎公能事彼而有不能事君乎彼知天下之怒朝夕  
戮死者也故求其同罪而與之比公何所利焉公之敵彼  
有餘力不如明告之絕而起兵襲取之清宮而迎天子庶  
人服而請罪有司雖有大過猶將掩焉如公則雖敢議語  
已懷光拜曰天賜公活懷光之命喜且泣公亦泣則又語  
於其將卒如語懷光者將卒呼曰天賜公活吾三軍之命  
拜且泣公亦泣故懷光卒不與朱泚當是時懷光幾不反  
公氣仁語若不能出口及當事乃更踈亮捷給其詞忠其  
容貌溫然故有言於人無不信集作明年上復京師拜左  
金吾衛大將軍由大金吾爲尚書左丞又爲太常卿由太  
常拜門下侍郎平章事在宰相位凡五年所奏於上前者

皆二帝三王之道由秦漢已降未嘗言退歸未嘗言所言

於上者於人子弟有私問者公曰宰相所職繫天下天下

安危宰相之能與否可見欲知宰相之能與否如此視之

其可凡所謀議於上前者不足道也故其事卒不聞以疾

病辭於上前者不記集作已退以表辭者八方許之拜禮部

尚書制曰事上盡大臣之節又曰一心奉公於是天下知

公之有言於上也初公為宰相時五月朔會朝天子在位

公卿百執事在庭侍中贊百僚賀中書侍郎平章事實叅

攝中書令當傳詔詞疾作不能事凡將大臣朝會當事者

既受命皆先日習儀于時未有詔公卿相顧公遂巡進北

面曰攝中書令臣某病不能事臣請代某事於是南面

宣致詔詞已復位進退甚詳為禮部西年拜兵部尚書

宣敎詔詞已復位進退甚詳為禮部四年拜兵部尚書

謝遷上語問問字集日晏復有入謝者上喜曰董某入疾

且損矣出語人曰董公且復相既二日拜東都留守判東

郡尚書省事充東都畿汝蜀本有都防禦使兼御史大夫

仍為兵部尚書由留守未盡五月拜檢校尚書左僕射同

中書門下平章事汴州刺史宣武軍節度副大使知節度

事管内度支營田汴宋毫穎等州觀察處置等使汴州自

大曆來多兵事劉玄佐益其師至十萬人表本無玄佐死

子仕寧代之畋遊無度其將李萬榮乘其畋也逐之萬榮

為節度一年其將韓惟清張彥林作亂求殺萬榮不克三

年萬榮病風昏不知事其子迴復欲為士寧之故監軍使

俱文珍與其將鄧惟恭執之歸京師而萬榮死詔未至惟  
恭權軍事公既受命遂行劉宗經韋弘景韓愈實從不以  
兵衛及鄭州逆者不至鄭州人爲公懼或勸公止以待有  
自汴州出者言於公曰不可入公不對遂行宿圃田明日  
食中矣逆者至宿八角明日惟恭與表文諸將至遂逆以  
入及郟三軍緣道譙聲庶人壯者呼老者泣婦人啼遂入  
以居初玄佐死吳湊代之及鞏聞亂歸仕寧萬榮皆自爲  
之而後命軍士將以爲常故惟恭亦有志以公之速也不  
及謀遂出逆旣而私其人觀公之所爲以告曰公無爲惟  
恭喜知公之無害已也委心焉進見公者退皆曰公仁人  
也聞公言者皆曰公仁人也環以相告故夫和蜀本有玄

左傳軍士寧懼不復加厚焉至萬榮如士寧表及

佐遇軍士厚士寧懼不復加厚焉至萬榮如士寧志及

張亂又加厚以懷之至于惟泰每加厚焉故士集有卒驕

不能禦則置腹心之士幕於公庭廡下挾弓執劍以須日

出而入前者去日入而出後者至寒暑時至則加勞賜酒

肉公至之時時字集皆罷之貞元十二年七月也八月上

命汝州刺史陸長源為御史大夫行軍司馬楊凝自左司

郎中為檢校吏部郎中觀察判官杜倫自前殿中侍御史

為檢校工部員外郎節度判官孟叔度自殿中侍御史為

檢校金部員外郎支度營田判官職事修人變蜀本作俗

化嘉木生白鵲集蒼鳥集作來巢嘉瓜同蒂聯實四方至

者歸以告其帥小大威懷有所疑輒使來問有交惡者公

與平之累請朝不許及有疾又請之且曰人心易動軍旅

多虞及臣之生計不先定至於集作他日事或難期猶不

許十五年二月三日薨於位上三日罷朝贈太傅使吏部

員外郎楊於陵來祭弔其子贈布帛米有加公之將薨也

命其子三日歛既歛而行於行之四日汴州亂表本有君

子以公為知人公之薨也汴州人歌之曰濁流洋洋有關

其邪閭道謹呼公來之初今公之歸公在喪車又歌曰公

既來止東人以定今公效矣人集作誰與安始公為華州

亦有惠愛人思之公居處恭無妾媵不飲酒不諂笑好惡

無所偏與人交泊如也未嘗言有問者曰吾志於教化事

等也十六階累升為金紫光祿大夫勲累升為上柱國爵

累升為龍西郡開國公娶南陽張氏夫人後娶京兆韋氏

累升為隴西郡開國公娶南陽張氏夫人後娶京兆韋氏

夫人皆先公終公四子全道溪唐書作全素按表本蜀澹溪下同本全道

全溪系表及韓愈作董溪墓誌溪全素全澹下同按唐世辭並無全字蓋全道文素出於賜名也

素皆上所賜名全道為秘書著作澹為秘書省秘書郎全

素為大理評事澹為大常寺大祝皆善士有學行謹具歷

官行事狀伏請葉考功并牒大常議所謚牒史館請垂編

錄謹狀集作伏上

貞元十五年五月十八日故吏前汴毫穎等州觀察推官

將仕郎試秘書省校書郎韓愈狀

金紫光祿大夫檢校禮部尚書使持節都督廣州

諸軍兼廣州刺史兼御史大夫充嶺南節度營田

觀察制置本管經畧等使東海郡開國公食邑二

千戶徐公行狀

李翱

曾祖仁徹隋吉州太和縣丞祖玄之皇考功員外郎贈吏部郎中諫議大夫考又皇汾州司戶參軍贈信州刺史京兆府萬年縣青蓋鄉交原里東海徐公年七十公諱申字維降東海郊人永泰元年寄籍京兆府舉進士得祕書省正字初辟巡官于江西又掌書記于嶺南行營哥舒氏之亂平奏授大理評事轉司直兼監察御史賜緋魚袋又充節度判官于朔方改授大司議郎兼殿中侍御史選授洪州都督府長史時刺史嗣曹王舉江西兵討李希烈故以長史行刺史事任職有成曹王薦之遷韶州刺史

長史行刺史事任職有成曹王薦之遷韶州刺史四年

餘年刺史相循居于縣城州城與公田三百頃皆為墟縣  
令丞尉雜處人集作屋公乃募百姓能以力耕公田假之

牛犁粟種集作食所收以其半與之不假牛犁者三分與

其集無二田久不理草根腐地增肥又連遇宜歲得粟比

餘田畝盈若干凡積粟三萬斛將復築室于州故城令百

工之技以其藝來者與粟有差刺史臨視給與吏無所行

其私以故人皆便信應募者數千人陶人不知墁而塗有

餘圻人不板築而墻有餘築人不操斤斧而工有餘陶者

圻者築者工者各以其所能相易未十旬而城郭室屋建

立如初刺史以官屬遷于新城縣令之下各返其室創六

驛新大市二道四館器用皆具曲江縣五百人以狀詣觀

察使請作碑立生祠公自陳所為不足述假令如百姓言

乃刺史職宜如此何足多者不願以小事市蜀本名觀察

使嘉其讓密以狀聞遷合州刺史其始來也韶之集有戶

僅七千凡六年遷合州及其去也倍其初之數又盈四千

戶焉初先夫人歿於江西遭賊難未克返窆寓于西原公

不赴合州表請奉喪歸柩于河南府偃師縣既滄景觀察

使奏請景州刺史河北之俗刺史闕其帥輒以寮屬將校

自為之不請者有年矣宰相累進刺史名皆不出及召公

入言合上旨遂下詔遷朝散郎使持節景州諸軍事景州

刺史充本州團練使兼御史中丞賜紫金魚袋尋加節度

副使其明年滄景節度使始朝其二年又朝遂留詔以其

從父兄代之奏公充行軍司馬公遂以信州府君

使其明年滄景節度使始朝其二年又朝遂番詔以其

從父兄代之奏公充行軍司馬公遂以信州府君瑩近瀧

河表求改葬於重山詔許之既徵入京師遷朝散大夫使

持節都督邕州諸軍事守邕州刺史本管經畧招討使御

史中丞賜紫如故是歲貞元十七年也詰俚盜除其暴掠

良聚攻禁下集作如今通蠻夷道責土貢大首領黃氏帥

其屬納質共賦黃氏周氏韋氏儂氏皆羣盜也黃氏之族

最強盤亘十數州周儂集作氏之不附之也率羣黃之兵

以攻之而逐諸海黃氏既至羣盜皆服於是十三部二十

九州之蠻寧息無寇害其明年制遷使持節都督廣州諸

軍事守廣州刺史兼御史大夫充嶺南節度觀察本管經

畧等使散官賜集作如故前節度使歿掌印吏盜授人職

文苑英華 卷一百一十一

百數謀夜發兵為亂事覺奔走公至陰以術得首惡殺之  
不問其餘軍中以安蠻夷俗相攻劫羣聚緣道發輒捕斬  
無復犯者蕃國歲來互市奇珠璠瑁異香文犀皆浮海舶  
以來賞貢是供不敢有加舶人安焉商賈以饒二十一年  
進階銀青光祿大夫元和元年詔加金紫光祿大夫檢校  
禮部尚書封東海郡開國公食邑二千戶餘如故詔書未  
至有疾薨于位三佐藩屏之臣五為刺史一為經畧使一  
為節度觀察使階累升為金紫光祿大夫爵超進為開國  
公官亟遷為禮部尚書其事業皆足以傳示後嗣為子孫  
法享年七十雖不極集作於上壽儒者榮之前夫人渤海  
高氏子皆早夭後夫人扶風竇氏封國夫人有子元弼前

新會曹參軍以續書屬文為業謹具歷官行事如前

高氏子皆早夭後夫人扶風寶氏封國夫人有子元福  
若衛倉曹參軍以讀書屬文爲業謹具歷官行事如前  
請牒太常編錄謹狀

正議大夫行尚書吏部侍郎上柱國賜紫金魚袋

贈禮部尚書韓公行狀

前人

曾祖泰皇任曹州司馬祖濬素皇任桂州長史父仲卿皇

任祕書郎贈尚書左

蜀本  
作在

僕射公諱愈字退之昌黎某人

生三歲父歿養於兄會舍及長讀書盡能記他生之所習

年二十五上進士第汴州亂詔以舊相東都晉守董平爲

平章事宣武軍節度使以平汴州晉辟公以行遂入汴州

得試祕書省校書郎爲觀察推官晉卒公從晉喪以出四

日而汴州亂凡從事之居者皆殺死武寧軍節度使張建

對奏為節度推官得試太常寺協律郎選授四門博士遷

監察御史為幸臣所惡出守連州陽山縣令政有惠於集

于下及公去百姓多以公之姓名集作命其子改江陵府法

曹叅軍入為權知國子博士宰相有愛公者將以文學職

處公有爭先者構公語以飛之公恐及難遂求分司東都

權知三年改真博士入省為分司都官員外郎改河南縣

令日以職分辨於雷守及尹故軍士莫敢犯禁入為職方

員外郎華州刺史奏華陽縣令柳澗有罪遂將貶之公上

疏請發御史辨曲直方可處以罪則下不受屈既柳澗有

犯公由是復為國子博士改北部郎中史館修撰轉考功

郎中修撰如故數月以考功知制誥上將平蔡州先命御

史中丞裴公度使諸軍以視兵及還奏兵可用戒嚴可以

史中丞裴公度使諸軍以視兵及還奏兵可用賊勢可以  
滅頗與宰相意忤旣數月盜殺宰相又害中丞不克中丞  
微傷馬逸以免遂爲宰相以主東兵自安祿山起范陽陷  
兩京河南北六七鎮節度使身死則立其子作軍士表以  
請朝廷因而與之及貞元季年雖順地節將死多即軍中  
取行軍副使將校以授之節習以成故矣朝廷之賢恬然  
於所安以苟不用兵爲貴議多與裴度相異惟公以爲盜  
殺宰相而遂息兵其爲耻集作儒甚大兵不可以息以天下  
力取三州尚何不可與裴丞相議合故兵遂用而宰相有  
不便之者月滿遷中書舍人賜緋魚袋後竟以他事改太  
子右庶子元和十二年秋以兵老久屯未滅上命裴丞相

為淮西節度使以招討之丞相請公以行於是公因本

官

集作此三字

兼御史中丞賜三品服及魚

三字集作衣魚

為行軍司

馬從丞相居於郟城公知蔡州精卒聚界上以拒官軍守

城者率老弱且不過千人亟白丞相請以兵三千人間道

以入必擒吳元濟丞相未及行而李愬自唐州文城壘提

其卒以夜入蔡州果得元濟蔡州既平布衣栢耆以計謁

公公與語奇之遂白丞相曰淮西滅王承宗膽破可不勞

用眾宜使辨士奉相公書明禍福以搢之彼必服丞相然

之公令栢耆口占為丞相書

集有明禍福使四字

栢耆袖之以至鎮州

王承宗果大恐上表請割德棣二州以獻丞相歸京師公

遷刑部侍郎歲餘佛骨自鳳翔至傳京師諸寺

集作百姓時字

百姓

遷刑部侍郎歲餘佛骨自鳳翔至傳京師諸寺集作百

有燒指與頂以祈福者公奏疏言自伏羲至周文武時皆

未有佛而年多至百歲有過之者自佛法入中國帝王事

之壽不得集作能長梁武帝事之最謹而國大亂請燒棄佛

骨䟽入貶潮州刺史移表州刺史百姓有以男女為人隸

者公計傭以償其直而出歸之入遷國子祭酒有直講能

說禮而陋於容學官多豪族子擯之不得共食公命吏曰

君直講來與祭酒共食學官由此不能賤直講奏儒生為

學官日使會講生徒奔走聽問皆相喜曰韓公來為祭酒

國子監不寂寞矣改兵部侍郎鎮州亂殺其帥田弘正征

之不克遂以王庭集作庭下同奏為節度使詔公往宣撫既行

衆皆危之元稹奏曰韓愈可惜穆宗亦悔有詔令至境觀

事勢無必於入公曰安有受君命而滯留自顧遂疾驅入

庭湊嚴兵拔刃弦弓矢以逆及謁甲士羅於庭公與庭湊

監軍使三人就位既坐庭湊言曰所以紛紛者乃此士卒

所為本非庭湊心公大聲曰天子以為尚書有將帥材故

賜之以節實不知公共徒兒語未得乃二集作大錯甲士

前奮言曰先太史為國打朱滔滔遂敗奔集無走血衣皆

在此軍何負朝廷乃以為賊乎公告曰兒郎等且勿語聽

愈言愈時為兒郎已不記先太史之功與忠矣若猶記得

乃大好且為逆與順利與病二字集不能遠引古事但以

天寶來禍福為兒郎等明之安祿山史思明李希烈梁崇

義朱滔朱泚吳元濟李師道復有若子若孫在乎亦有若

者乎衆皆曰無又曰由今公以魏博六州歸朝廷

嘗者乎衆皆曰無又曰曰今公以魏博六州歸朝廷

及使後至中書令父子出授旄集作旗節子與孫雖在童幼

集作幼童者以為好官窮富貴貴寵榮耀天下劉悟李祐皆居

大鎮王承元年始十七亦仗節皆三軍耳所聞也衆乃曰

田弘正刻此軍故軍不安公曰然汝三軍亦害田令公身

又殘其家矣復何道衆乃謹集作謹曰侍郎語是侍郎語是

集本不用庭湊恐衆心動遽麾衆散出因泣謂公曰侍郎

來欲令庭湊何所為公曰神策六軍之將如牛元翼此者

不少但朝廷顧大體不可以棄之耳而尚書久圍之何也

庭湊曰即出之公曰若真則無事矣因與之宴而歸之牛

元翼果出及還於上前盡奏與庭湊及三軍語上大悅曰

卿直向伊如此道由是有意欲大用之王武俊贈太師呼  
太史者燕趙人語也轉吏部侍郎凡令史皆不鎖聽出入  
或問公公曰人所以畏鬼者以其不能見也鬼如可見則  
人不畏之矣選人不得見令史故令史勢重聽其出入則  
勢輕改京兆尹兼御史大夫特詔不就御史臺謁後不得  
引爲例六軍將士皆不敢犯私相告曰是尚欲燒佛骨者  
安可忤故盜賊止遇旱米價不敢上李紳爲御史中丞械  
囚送府使以尹杖杖之公曰安有此使歸其囚是時紳方  
幸宰相欲去之故以臺與府不協爲請出紳爲江西觀察  
使以公爲兵部侍郎紳旣復番公入謝上曰卿與李紳爭  
何事公因自辨數日復爲吏部侍郎長慶四年得病滿百

龍旣罷以十二月二日卒於靖安里第公氣厚性直論

罷既罷以十二月二日卒於靖安里第公氣厚性通論

議多大體與人交始終不易凡嫁內外及交友之女無主

者十人幼孤養於嫂鄭氏及嫂歿為之服菘集作菘服以服之

深於文章每以為自揚雄之後作者不生集作出其所為文

未嘗放集作效前人之言而固與之並自貞元末以至於茲

後進之士其有志於古文者莫不視公以為法有集二十

卷集作四小集十卷及病遂請告以罷每與交友言既終以

處妻子之語且曰某伯兄德行高曉方藥食必視本草年

止於四十二某踈愚食不擇禁忌五集作位為侍郎年出伯

兄十五歲矣如又不足於何而足且獲終牖下幸不至失

大節以下見先人可謂榮矣享年五十七贈禮部尚書謹

具任官事跡如前請牒考功下大常定謚并牒史館謹狀

又十五故鞏縣令白府君行集作狀白居易不空大

白氏芊姓楚公族也楚熊居太子建奔鄭建之子勝居于

吳楚間號白公因氏焉楚殺白公其子奔秦代為名將乙

丙巳降是也裔孫白起有大功於秦封武安君後非其罪

賜死杜郵秦氏憐之立祠廟於集作咸陽至今存焉又始

皇思武安之功封其子仲于大原子孫因家焉故今為太

原人自武安已下凡二十七代至府君高祖諱建北齊五

兵尚書贈司空曾祖諱士通皇朝利州都督祖諱志善朝

散大夫尚衣奉御父諱溫朝請大夫檢校都官郎中公諱

鍾字上鍾都官郎中第六子幼好學善屬文尤工五言詩

清集十卷年十七明經及第解褐授鹿邑縣尉歷

有集十卷年十七明經及第解褐授鹿邑縣尉歷晉陸縣

尉汜水縣尉集無此八字洛陽主簿酸棗縣令酸棗有善政本

道節度使令狐章知而重之秩滿奏授殿中侍御史內供

奉賜緋金魚袋充滑臺集作毫節度參謀軍府之要多咨度

焉居歲餘公常規章之失章不聽公因留書移章不辭而

去明年遷授河南府鞏縣令在任三考自鹿邑至鞏縣皆

以清貞靜理聞於一時公為人沉厚和易寡言多可至於

涉是非關邪正者辯而守之則確乎不可拔也大曆八年

五月三日遇疾歿於長安春秋六十有八其年權殯集作曆

於下集無下字非邽縣下邑里夫人河東薛氏薛氏集作夫人之父

諱倣河南縣尉大曆十二年六月十九日歿於新鄭縣之

私第享年七十以其年權窆於新鄭縣臨洧里公有子五

人長子諱季庚

庚世系表同集作庚不同

襄州別駕事具後狀次諱季

殷徐州沛縣令次諱季軫許州許昌縣令次諱季寧河南

府叅軍次諱季平鄉貢進士元和六年十月八日孫居易

等始發護靈輓遷葬於下邳縣集有義洋鄉北原而合拊

焉謹狀

襄州別駕白府事狀

前人

公諱季庚字子申鞏縣府君之長子天寶末明經出身解

褐授蕭山縣尉歷左武衛兵曹叅軍宋州司戶叅軍建中

元年授彭城縣令時徐州為東平所管屬本道節度使

反之伏先以勝兵屯壩口絕汴河運路然後謀東就江淮

朝廷憂虞計夫有出公與本州刺史李洧潛謀以徐州及

有口城歸國反拒東平東平令集作遣驍將信都崇敬石隱

金等率勁卒二萬攻徐州徐州無兵公合吏民得千餘人

與李洧堅守城池親當矢石晝夜攻拒凡四十二日而諸

道救兵方至既而賊徒潰運路通首挫逆謀不敢東顧繇

是徐州一郡七邑及埧口等三城到于今訖不隸東平者

實李洧與公之力也德宗嘉之命公自朝散郎超授朝散

大夫自彭城令擢拜本州別駕賜緋魚袋仍充徐泗觀察

判官故其制云今徐州集無二字州將忠謀翻然仗集作効順叶

其誠美共贊國集作良圖我懸爵賞候茲而授宜加佐郡之

命仍寵殊階之序貞元初朝廷念公前功加檢校大理少

卿依前徐州別駕當道團練判官仍知州事故其制云嘗

宰彭城挈而歸國舊勲若此新寵蔑如集有或字不延厚於忠

臣將何勸於義上宜從亞列再貳徐方秩蒲又除檢校大

理少卿兼衢州別駕秩蒲本道觀察使皇甫政以公政績

聞薦又除檢校大理少卿兼襄州別駕貞元五集作十是年十

五月二十八日終於襄陽官舍享年六十有六某年權

窆於襄陽縣東津鄉南原至元和六年十八日嗣子居湯

等遷於下邳縣義津鄉北原從輩縣廢君宅兆而合祔焉

夫人潁川陳氏陳宜都之后祖諱璋利州刺史考諱潤坊

鄆城縣令妣太原白氏陳氏集作夫人無兄弟弟妹八歲可鄆

城府君之憂居喪致哀主祭盡敬其情理有過成人者中

外... 歲事舅姑服勤婦道夙夜九...

外姻族咸稱異之十五歲事舅姑服勤婦道夙夜九年

于秦熬嘗睦娣姒待賓客撫家人又三集作二是十三年禮無

違者故中外凡為家集凡婦者皆景慕而儀刑焉及別駕

府君即世諸孤集作書字尚幼未就師學陳氏集作夫人親執詩書

感集作畫夜教導恂恂善誘未嘗以一呵一扶加之十年之

集作餘字間諸子皆以文學仕進官至清近實夫人慈訓所致

也為女孝如是為婦順如是為母慈如是舉三者百行可

知矣建中初以府君彭城之功封潁川縣君元和六年四

月三日歿于長安宣平里第享年五十有七其年十月八

日從先府君祔于皇姑焉有子四人長曰幼文前饒州澤

梁縣主簿次曰居易前京兆府曹叅軍翰林學士次日曰行

簡前祕書省校書郎幼子金剛奴無祿早世初高祖贈司  
空有功於北齊詔賜莊宅各一區在同州同城縣至今存  
焉故自司空而下都官郎中而上皆葬於同城今以小歸  
不便遂改卜鞏縣府君及襄州別駕府君兩塋於下邳縣  
義津鄉北原其兩塋同兆域而異封樹蓋從時宜且叶吉  
也謹狀

文苑英華卷第九百七十六  
行狀七

英華卷第九百七十七

行狀七

行狀

工部尚書致仕崔滌行狀一首

左金吾大將軍鄒晟行狀一首

浙江西道觀察使崔郾行狀一首

吏部侍郎沈傳師行狀一首

銀青光祿大夫守工部尚書致仕上柱國中山郡

開國公食邑二千戶贈陝西大都督博陵崔公行

狀

呂溫

曾祖諱承福皇朝太中大夫廣越二府都督祖諱先意皇朝朝議大夫鄧州刺史父諱嶽皇朝朝議大夫鄭州長史

贈左散騎常侍狀斧藻天理立為人極敬終端本彼所以  
 將就誠明褒歿勸存此所以砥礪名教然而以道行已時  
 而彌光大君子之行也以法考行直而無黨賢有司之職  
 也且曰獻狀則唯所知公清莊而和博厚而敏岐嶷而夙  
 茂羈貫集作非而老成性約情克靜專動直出入孝悌周旋  
 忠信始以經明上第調佐夏陽次以詞麗甲科超尉王屋  
 事迫於官而舉言迫於事而揚欲藏智而蒙滯來求不近  
 名而聲華見逼故相左僕射張公時尹洛京首得才實泊  
 鎮荆蜀致於幕庭再兼理官專領記室捷集作健筆良畫  
 邦有聞旋違內艱毀瘠僅立善居得禮族黨稱之免喪之  
 歲天乎南狩大尉西平王大會兵車將圖匡復公首膺

心琴未成聲履及於路感歎而將星此

作濬發義心琴未成聲履及於路感激而將星芒怒謀  
而兵侵廓清翠華旣還優典斯及拜殿中侍御史時有寵  
臣爲京兆者政以暴聞吏有冤弊公表陳枉直仗閣待旦  
言忠主悟事寢風生以繩違稱職轉侍御史以求瘼慎選  
爲華原令大兵之後早歲爲虐公勞徠不倦弛張以宜復  
流庸於潤屋闕曠土爲多稼俄攻歙州刺史地雜歐駱號  
爲難理下車而簡其約束朞月而明其信誓然後破散谿  
藜剪鋤山豪旣去害羣之奸遂寧挺集作險之俗徵拜長  
安縣令威聲先路不肅而理鋌刃餘地所投皆虛擢同州  
刺史國歉於豐量賑爲糴號里倉者三百所而凶年備矣  
戒以暴骸諭之速朽成薄葬者九百家而奢俗懲矣都人

有豪奪鄉悖陰持吏失朋構訟集作獄累政患之集作公所患公

斷以尋斧破其囊橐人樂其殺而法制行焉郡城自禦寇

之餘復隍殆盡朝貢所經夷夏何仰公悅使襁負大輿版

築下不知役而扁固立焉其餘則去思有碑詳在篆述可

覆視也朝議陟明遷於陝服封介晉楚寄分函洛而戒備

不脩兵庫虛閉公乃鳩工以利器閱實以練卒金革中度

義勇知方既而有淮西之役晨令暮具凜然而可觀矣河

出城下造舟為梁經費集作工敗决相繼公乃沉石而

雙固中止省艦而三分巨流集作水與意會勢若天成既

而有奔濤之沴智勝功顯終然而無害矣其餘則三降

書就加爵秩是明徵也移疾入覲貳職冬官歸載不遇

書留府盈乎粟帛豐公約私於是乎在至既陳乞以尚書

書留府盈乎粟帛豐公約私於是乎在至既陳乞以尚書

致仕

集作政

室不交要路之賓口不言當代之事就陰委順

談者多之公目解巾至於撒樂思不踰矩動無

集作不

越思

以忠貞為仕模以勤儉為家訓身居侯邸清節如初男降

王姬素風愈厲羈孤聚室人各忘其亡布褐分庭士不知

其貴體溫柔而事至能斷性坦易而物莫得窺

集作能窺

當官

不務於名聲所去必遺其功利昨謹尚在時論可徵已踰

書葬之期請舉易名之典謹狀

元和三年四月日故銀青光祿大夫守工部尚書致仕贈

陝州大都督博陵崔公從禰

集作外生

甥朝議郎司封員外郎

上騎都尉賜緋魚袋呂溫謹上

尚書考功夫立身之道始於君親中於其人終於其身若  
府君者居喪有聞臨難有功善其始也勤於官業惠於鰥  
寡敬其中也家事以理年至而退謹其終也率是三懿光  
于前訓以咨謚法無媿至公謹狀

銀青光祿大夫檢校戶部尚書左金吾大將軍兼

御史大夫上柱國河南縣開國公食邑二千戶贈

紫金魚袋太子少保柳公行狀 沈亞之

為漢中宿賓撰

魯祖該皇任陵州錄事參軍贈陵州刺史祖岑皇贈祕書

監父潭皇太僕卿駙馬都尉贈司空欽公諱晟其先河東

人也肅宗時詔取儒賢配主其父以門業集作中選拜

僕卿尚和政公主主及太僕繼喪而公年始十二孝聞

姻既去喪代宗憐之召養宮中令與皇太集無子諸王俱

受學故公得通籍中禁詔以吳大瓘為之師又以大瓘子

通玄通微互為助教令十日考學績責集無字勸所進乾元

初除尚舍奉御得歸故邸又詔吳大瓘通玄通微令就舍

授學廣德中加檢校太常卿賜佩金魚及德宗即位以公

故奉銅輦將欲加賜遷官集作官非未幾而厲車西狩矣公徒

走會難奉天因泣奏曰臣願得尺詔持而入東都購其豪

人以為效德宗嘉集作奇其忠賜詔如奏公於是備裝入賊

軍中見賊偽右將軍郭常左將軍張光晟公大說曰陰潦

之災魚鱉遊其堦壇即腸光赫明是輩不知枯挂之地者

公等寧能從其挂哉乃出詔示常等皆奉詔伏興集作誓

約所歸未及期會樞籍宦官朱旣昌陰以公之狀飛告泚

遂為泚捕繫定死矣泚詰二將詞不伏即徙於外獄稍寬

之有頃賊兵累敗守吏益怠公因其共繫者十餘人謀相

與脫其錮髡而走之奉天德宗為之撫背流涕明日乘集

輿幸漢中公奉轡至南梁還拜原王府長史貞元六年

改嘉王府長史其後集作歲餘翰林舍人吳通玄謫死公為疏

陳雪再進不得命公澧之季止公曰上方怒寧可為也公

不聽公章卒三貢於是德宗寤之謂公見義不回賜書寵

崇竟雪通玄改澧州別駕十一年入為少將作未貞初遷

將作加朝請大夫起崇陵功以檢校左散騎常侍居使

內作封河東縣開國子食邑五百戶又加銀青光祿大夫

內作封河東縣開國子食邑五百戶又加銀青光祿大夫

起豐陵功贈上柱國元和初西蜀叛發岐隴邠涇朔方太

原及山東六郡之卒皆屬長武軍詔以高崇文討之既誅

三蜀大困而漢中甚險狹益不能賑輸所奉中朝以公集

器用當濟遂拜工部尚書兼御史大夫持節帥漢中始詔

諸征蜀卒各還故部而獨以漢中卒三千人移戍梓州其

卒以為始去父母鄉里既勞而歸及境乃不得見其閭亦

以公集無功自賴今則徙之謂若謫耳皆蜂集作奮食所

引刃援弓迫中貴人時公行未及郡聞之遂疾驅倍走往

其所先勞之苦辛集作勞已乃問曰君等何以而成功乎

俱曰某等伐闢耳又問曰闢何以而得伐俱曰驕不受指

於天子公曰君等既知闕以不授指而得伐又親滅之而  
得功反不授指耶今不授指即受滅也集作矣是卒皆免胄

匍匐遂行所徙歲餘復入爲大將作使匈奴先是戎相出  
視國使必自據偃以相辱傲公之知乃先謂曰聞若等常  
以去信爲強亡禮自大禮信不爲誠不仁也何足奉吾國  
乎於是單于諸王貴人聞之愕然失恃皆莫能辭見則改  
容跪伏遂致天子之命約信成禮而歸拜金吾右將軍始  
得居公爵益封千五百戶加爲大金吾九年加戶部尚書  
以大金吾爲左將軍元和十三年三月九日歿享年六十  
九上聞之一日廢聽奏詔令集作命從官臨弔之賜賻粟帛  
贈太子少保強辯多學謙下好問因危以致其節見義不

顧其私輸公之急其從察其門備得前行謹以所聞所見

續其私輸公之急某從察其門備得前行謹以所聞所見  
實錄於斯謹狀

元和十四年七月十七日狀

銀青光祿大夫檢校禮部尚書兼御史大夫充浙

江西道都團練觀察處置等使上柱國清河郡開

國公食邑二千戶贈吏部尚書崔公行狀

杜牧

會祖綜皇任醴泉縣令祖佶皇任太子中允贈右散騎常

侍父僊皇任檢校吏部侍郎集作郎中兼御史中丞袁州刺史

贈太師公諱鄽字廣畧風儀秀偉神深氣集作氣深厚即之如

鑑望之如春旣冠識者知不容於風塵矣貞元十二年進

士集作中第十六年平判入等授集賢殿校書郎陝虢觀

察使崔公琮願公爲賓而不樂之挈辭載幣使者數返公

徐爲之起且曰不關上聞攝職可也受署爲觀察巡官後

轉京兆府鄠縣尉遷監察御史殿中侍御史刑部員外郎

下邳國太夫人憂杖而能起人有聞焉外除拜吏部員外

郎判南曹事千人百族必應進而進公親自挾格肖法必

番戾程必黜每懸榜舉牘富室權家汗而仰視不敢出口

宿吏遂巡縛手係舌願措一奸不能得之凡二年遷左司

郎中加散朝大夫旋拜諫議大夫兼知匭使穆宗皇帝春

秋富盛稍以畋遊聲色爲事公晨朝正殿揮同列進而言

曰十一聖之功德四海之大萬國之衆之治之亂唐書本傳

懸於陛下自山以集作東百城千里昨日得之今日失

亂懸於陛下自山以集作東百城千里昨日得之今日失

之西望戎壘距宗廟十舍百姓憔悴蓄積無有願陛下稍

親政事天下幸甚誠至氣直天子為之動容斂神慰而謝

之遷給事中敬宗皇帝始即位旁求師臣今相國竒章公

上言曰非公不可遂以本官充翰林侍講學士命服紫金

旋拜中書舍人仍兼舊職侍帝郊天加銀青光祿大夫高

承簡罷鄭滑節度使滑人仰集作闕乞為承簡樹德政集

政碑內官進曰翰林故事職由掌詔學士上曰承簡功臣

胤也治吾咽喉地克有善政罷而請紀入人深矣吾以師

臣之辭且寵異焉居數月魏傳節度使史憲誠拜章請集

請為故帥田季安樹神道碑內官執請亦如前辭上曰魏

北燕趙南控成臯天下形勢集作地也吾以師臣之辭且

尉安焉居數月陳許節度使王沛拜章乞為亡父樹神道

碑內官執請亦如前辭上曰許昌天下精兵處也俗忠風

厚沛能撫之吾視如臂吾以師臣之辭而彰其忠孝焉是

三者皆御札命公令刻其辭恩禮親重無與為比歷歲願

出守本官辭懇而禮部缺侍郎上曰公可也遂以命之二

年選士七十餘人大抵後浮華先行實轉兵部侍郎今上

即位四年公亟請於丞相問曰顧得一方疲人而治之除

陝虢觀察使兼御史大夫先是陝之官人必月尅俸錢五

千助輸貢于京師者歲至八十萬公曰官人不能贍私安

能卹民吾不能獨治安可自豐即以常給兼使雜費下至

鹽酪膏新之品十去其九可得八十萬歲為代

鹽酪膏薪之品十去其九可得八十萬歲為代之官人

感悅隨至短長不忍為欺萬國西走陝實其衝復有江淮

梁徐許蔡之戍兵北出朔方上郡回中汧隴間踐更往來

不虛一時民之供億吏須必應生活之具至于鉅金鉅筋

集作常碎於四方之手公曰此猶束炬以焚民也於是節

宴賞截浮費凡金漆陶木絲枲之用悉為具之可饗數千

人民一不知復有詔旨支稅粟輸太倉者歲數萬斛如斂

民也遠遠近近就積佛寺終輸于河復籍集作籍民而載之

民之巨牛大車半頓于路前政咸知計不能出公曰管仲

曰粟行五百里民有饑色斯言粟重物也不可推遷民受

其弊况今迂直之計有不超五百里乎公乃大索有無親

執等而計之北臨黃河樹倉四十間穴倉為槽下澍集作注

千舟因隙償集作賞非直不敗時務自壯者斛勿者斗負挈囊

裹委倉而去不知有輸他境之民越逸奔走駢軫爭鬪願

為陝民政成化行上國下國更口贊頌凡二年改鄂岳安

黃蘄申等州觀察使襄山帶江三十餘城繚繞數千里洞

廷百越巴蜀荆漢而會注焉五十餘年比集作此非有蔡盜於

是安鑠三關鄂練萬卒皆儉楚善戰浸有戰風稱為難治

有往自集作自往矣公始臨之簡服伍旅修理械用親之以文

齊之以武大剏廳事以張威容造蒙衝小艦上下千里武

士用命盡得羣盜公曰劫於水者以盡殺為習雖值童竈

而無捨焉此附他盜刑不可等於是死之內必累加之

盜相誠曰公之未去勿獨其境然後與年干冒用八

盜相誠曰公之未去勿觸其境然後黜弁奸冒用公法也  
非陟廉能用公舉也撫護窮約用公惠也豪商大賈不得  
輕役不得隱田父子兄弟不得同敗於是闔境之內有餘  
不足自公而均復建立儒宮置博士設生徒廩餼必具頑  
惰必遷敬讓之風人知家習八年秋江水漲溢公曰安得  
長堤而禦之言訖兵集作軍士齊民雲鍾兩杵一揮立就令  
行恩結有如此者千里之內如視堂廡雖僻左下里歲臘  
男子必以鷄黍賀饋女子能以簪珥相問遺富樂歡康肩  
於浴古凡五年遷浙西觀察使加禮部尚書公曰三吳者  
國用半在焉因高爲旱因下爲水者六歲矣經賦兵役不  
減於民上田沃土多歸豪強苟悅所謂公家之惠優於三

代豪強之酷甚於亡秦今其是也於是料民等第籍地沃

瘠集作瘠均其征賦一其徭役經費宴賞約事裁節民有宿

逋不可減於上供者必代而輸之誠禱山川歲獲太稔復

曰衣冠者民之主也自艱難已來軍士得以氣加之商賈

得以財侮之不能自奮者多栖於吾集作吳土遂立延賓館

以待之苟有一善必接盡禮因訪里閭必集作益知民之疾

苦隨以理之纔逾暮歲而吳民復振開成元年十月二十

日薨于治所多士相弔曰使公相天子貞觀開元之俗可

期而見也豈公不幸實生民之不幸也主上痛悼輟朝一

日贈吏部尚書公生知集作得靈和自干各立朝為公姪

伯未嘗頌史間汲汲率率欲顯名於合道而仁義忠信

明知恭儉鬱積發溢自然相隨不立結約集作約結而善人自

親不設溝壘而不肖自遠不志於榮達而官位自及公內

外閱閱源流

集作瓜

清顯拔於甲族而復甲焉親昆仲六人

皆至達官公與伯兄季第五司禮闈再入吏部自國朝以

來未之有也上至公相方伯下及再命一命幕府陪吏之

屬通蒲內外皆公門生公俯首益恭如孤臣客卿惕惕而

多畏也自為重鎮苞苴金幣之貨不至權門親戚舊故周

給衣食畢其婚喪悉出俸錢不以家為在家怡然未嘗訓

勉子弟自化皆為各人居室卑痺不設步廊賓至值雨則

張蓋躡屐而就于外位初鎮于陝或東挺經月不鞭一人

至于驛馬令五歲幸全則為代之著為定制曰致一物於

必窮之地君子不為其為仁愛而臻於此及遷鎮鄂渚嚴峻刑法至於誅戮未嘗貫一等後一刻或問於公曰陝鄂之政不一俱臻於理何也公曰陝土瘠民勞吾撫之不暇尚恐其驚鄂之士沃民剽雜以夷狄非用威刑莫能致理政貴知變蓋謂此也聞者服焉嗚呼公之德行材器真哲人君子沒而不朽者也易名定謚為國常典敢書光集作先烈達于執事附于史氏云爾謹狀

尚書吏部侍郎贈吏部尚書沈公行狀前入

曾祖某皇任泉州司戶叅軍祖某皇任婺州武義縣主簿

父某皇任員外郎父濟皇任尚書禮部員外郎贈太子少保  
公壽博師字子言明春秋能文工集作攻書未弱集無此字冠知

名我烈祖司徒岐公與公先少保友善一見公壽曰沈

名我烈祖司徒岐公與公先少保友善一見公喜曰沈氏  
有子吾無恨矣因以馮氏表生女妻之貞元末舉進士許  
公孟容爲給事中權文公爲禮部侍郎時稱權許進士中  
否二公未嘗不相聞於其間者今其年禮部畢事文公詣  
許曰亦有遺恨曰爲誰曰沈某一人耳許曰誰家子某不  
之知文公因具言先少保名字許曰若如是我故人子後  
數日徑詣公且責不相見公謝曰聞於丈人或拔致中第  
是累丈人公舉遺其集作違某孤進故不敢自達許曰至集無此字  
如公者可使我急賢詣公不可使公因舊造我明年中第  
文公門生七十人時人比公爲顏子聯中制策科授太子  
校書郎鄆縣尉立史館左拾遺左補闕史館脩撰翰林學

士歷尚書司門郎中

二字集作員外郎

司勳兵部郎中中書舍人

命服朱紫時穆宗皇帝親任學士時事機秘多考決在內

必取其長循為宰相公之密補弘多同列每欲面陳拜章

皆互來告公必取規議用為進退歲久當為其長者凡再

公皆逡巡不就上欲面授之公奏曰學士院長叅議大政

出為宰相臣自知必不能為凡宰相之任非能盡知天下

物情苟為之必致敗撓况今百姓甚困燕趙適亂臣以死

不敢當願得治人一土

集作方

為陛下長養之因出稱病

集作

疾特降中使劉泰倫起之公稱益篤故相國李公德裕與

公同列友善亦欲公之起詞說甚切公終不出因詔以本

官兼史職出歸綸閣久處密近思効用於外歷

集作懇

請於

丞相不已由是出為湖南觀察使兼御史大夫凡三集

丞相不巳由是出為湖南觀察使兼御史大夫凡三

歲轉為

此下諸疑本並同疑有脫逸按舊唐書沈傳書人出為湖南入為尚書右丞出為洪州轉宣州

因事繁惡易滋長官人調授少得防寬遠

二字集作寬

䟽通蹊

逕人情物理無不由盡吏欲為欺於此照驗之端必明於

彼民有未伸於彼開張之路必在於此疊疊循環皆極根

本為

集作尤

重刑罰杖十五至于死者每有一犯必具獄斷

刑之後遍示幕府吏雖十人有一人以為小未可者必再

詳究經費遊宴約事裁節歲有水旱不可減於常貢者必

為代之江西宣州聯歲水災所貸萬計公善養性情自居

方伯生殺之任喜怒好惡是四者閉覆渾然雖終歲伺之

不見毫髮故黠吏欲賊公之所向高下其事終不可得每

處一事未嘗不從容盡理故所至無處富庶權康理行第

一每去任人吏泣送出境不絕自宣城入為吏部侍郎二

年考覈集作覆搜舉品第倫比時稱精能宰物之望屬於愈

議公每願用所長復治集作理於外及薨于位知與不知莫

不相弔上悼惜輟朝一日贈吏部尚書與公先少保俱掌

國史譔憲宗實錄未竟出鎮湖南詔以隨之成於理所時

論榮之公生得靈粹沛然而仁自幼及長未嘗須臾間汲

汲牽率欲及於道溫良恭儉明智忠信積外溢自然相

隨自布衣至於達官凡所交友皆當時名公獎美所長復

救所不及三十年間無有携問者公常居中雖有重名每

於飢寒兩求廉鎮時宰許之皆先要公曰欲用某為

事可乎公必拒之至有怒者公曰誠如此願息所請故三

集作一 鎮幕府皆取孤進之士未嘗有吏一人因權執入嘗

擇邸吏尹倫倫戇滯闕事寮佐多言集作之因請易之公

曰某出京師面誠倫曰止可闕事不可多事是倫適能如

此受不虛矣故三集作二 鎮號為富饒凡十年間權勢貴倖

之風不及於公耳苞苴寶玉之賂亦不至於權門雖有怒

者亦不敢以言議公公然一作前後 侵公其為守道自得皆如

此類在家無杖笞呵責家人自化兄弟生姓雖絕服者入

門飲食衣服指使其奴婢無二等親戚故舊周給所得皆

出俸錢不以家為於京師開集作問 化里致疑作第價錢三

百萬訖三一作 鎮牽率蒲之及在床之日周身之飾易以



文苑英華卷第九百七十八

祭文一

交舊一

祭荊州刺史陰道方文一首

祭處士仲長子光文一首

祭劉少監文一首

祭郝少保文一首

祭陸郵縣文一首

祭邠陰公文一首

祭趙郎將文一首

祭梁宣王文一首

祭魯忠王文一首

祭汝南王文一首

祭杜學士審言文一首

祭楊盈川文一首

祭王城門文一首

祭荊州刺史陰道方文

魏收

維太昌元年十二月庚申朔越十二日辛未友人鉅鹿魏  
收謹以清酌少牢之饌敬祭于荊州刺史陰君之靈嗚呼  
哀哉惟君世載不殞英聲在茲風流有屬自爾弘之孝爲  
行本忠實身基旣言斯立罄禮窮詩器則清賞才惟英博  
於暢風雷蕭條丘壑顧言朝市忘懷淡薄比契沉冥均情  
寂寞往塵守官及爾同僚墳簞合韻琴瑟俱調丹墀踵武  
清道齊鑣跡淪閑曠心共津濠乃眷平生相忻多趨殷勤  
宴喜流連辭賦溢矣不追長違世務詠歌徒在音徽空樹  
昔猶肢體與子裘裳今其往也生死殊方形骸何促天地  
何長申茲沃醑贈以哀傷嗚呼哀哉

祭處士仲長子光文

王勣

日憐人王勣集作謹以魚醴之奠敬祭仲長先生

月日隣人王勣集作績謹以魚醴之奠敬祭仲長先生之

靈白明道若昧進道若退鳥飛知還龍亢必集作若悔嗟嗟

夫子理融其內不伎不求無憎無愛古人有言微妙玄通

藏用以密養正以蒙嗟嗟夫子允執其集作厥中不見其始

孰知其終蕩蕩心跡集作止足悠悠默語周覽人事退居河渚

何去何從誰求集作棄誰與聊同聚散亦均寒暑大矣夫子

其生若浮至矣夫子其死若休鄉黨不懼朋友集作友朋不憂

素琴猶在黃經尚留老來難集作不婚梁鴻難偶筵無饋奠

室無箕箒嗟嗟夫子豈圖其後金玉蒲堂莫為之守集作道為

之凡我故人素服臨旃葛巾從窆桐棺以遷墳不易壠坎

不及泉苟無恒疑作恒化于何問天道性既喪仁義鋒起祭

非古也禮之爲始吾從其俗敢告夫子清樽薄奠神其歆  
止

爲薛令作祭劉少監文

楊炯

中書令河東薛某謹以清酌中牢之奠敬祭故少監劉公  
之靈惟此陶唐有此冀方上天祚漢人神攸贊開國承家  
枝分葉散三貂赫赫於臺省駟馬謖謖於里閭德之有隣  
吐符兮降神家之積慶受祿兮宜君星躔可以衝南越龍  
邑可以賀集作質西秦言樂公之不死謂張衡之後身雍州  
爲積高之地初登吏部尚書即喉舌之端始拜郎官見天  
乎而題柱侍明光而握蘭入麒麟之閣圖書掌於河洛則  
璇璣之璣造化窮於制作大風積也方絕於雲天有力員

之生悲於清壑嗚呼哀哉言念平生求其友聲適我願兮  
其得朋從之道又吾姨也俱承下嫁之榮良辰美景必窮  
於樂事茂林修竹每叶於高情援菑蘭而無愧指金石以  
當行誰言倏急遽隔幽明人非兮地是心拆兮骨驚卜日  
兮先遠陰靈凝兮歲將晚臨平交兮望行憶君一去兮何  
時返石室兮沉沉蓬萊山兮寂又陰蒼烟漫兮紫苔深陳  
絮酒兮涕沾襟嗚呼哀哉

詹事府官寮祭郝少保文

前人

少詹事鄧玄機永昌令狐恩府司直王思善楊炯主簿  
鄭行該等謹以清酌庶饁之奠敬祭太子少保郝公之靈  
若夫星象降質山川受氣以道爲尊以和爲貴軒后夢之

於大澤之王卜之於清渭實馮舟楫之功集作力必藉塩梅

之味昭昭北斗宮號文昌隱隱西掖池名鳳凰增萬機而

叅政本定五字而對休光珥豐貂之鞞鞞識遺佩之鏘鏘

懸車之歲方稱國老步輦之榮遂居師保劉蕃以光祿緝

訓和嶠以尚書贊道百年方享於期願五福異徵於壽考

西山訪藥北壁尋經金丹不化玉釜何成梁木斯壞曲池

坐平府庭颯而變色察屬慘而相驚嗚呼哀哉玄機等親

聞教義夙承提獎懷德音之不忘痛丹壑之長往門館闕

寂簾帷彷彿莫行潦之蘋蘩庶明靈之降饗嗚呼哀哉

爲梓州官屬祭陸鄴縣文

前人

維垂拱二年太歲景戌正月壬寅朔二十二日癸亥喪史

維聖拱二年大歲景戌正月壬寅朔二十一日於亥夜

劉某謹以清酌庶羞之奠

猶使飲淚成血思德音之

薰想公子兮氛氲惟彼

雲江則有沈集作泥是為國

梁鎮集作國茲一方君弘其道視人如傷久勞于外路阻且

長曾未暮月人之云云嗚呼哀哉哀哀弱嗣朝暮一溢皎

皎孀妻饋乎下室蜀門如劔長安如日歸路何從我心如

集作疾疾嗚呼哀哉凡我在位羈官邊城共戮力兮誰言死

生思其人兮造其庭恍無見兮寂無聲稱傷兮酌酒心折

兮骨驚嗚呼哀哉

祭汾陰公文

前人

文苑英華 卷一百二十八

四

陳

羅大唐光宅之六祀太歲甲申冬十有二月戊寅朔丁亥

御辰楊炯以采毛清酒

集作酌

之莫敢昭告于故中書令汾

陰公之靈

靈字集作貴神

嗚呼哀哉惟公含純德而載誕兮稟元

精而秀出

集作特秀非

備百行而立身兮半千年而委質屬天

地之貞觀兮逢聖人之得一若夔龍稷禹之寅

集作翊

亮舜

朝兮若肖曹魏邛之謀猷漢室懸大名於宇宙兮立大勳

於輔弼如何斯人而有斯疾曾未遐壽中年殞

疑作殞

卒嗚

呼哀哉若夫家傳寶鼎地闢金構文則屬詞而此事兮學

則八索而元丘入則東藩之上相兮出則南面之諸侯

集作

通唯盡善兮未善固雖休而勿休既知退而知進兮亦能

剛而能柔大才則九功惟叙兮大智則萬物潛周崇德

業兮樂天知命而不憂嗚呼哀哉門館虛兮寂寞歲窮陰

兮搖落備物儼兮以集作如存光靈耿兮焉託垂纁帷與祖

帳兮罷歌臺與舞閣天子惜其毗余兮羣臣思其可作嗚

呼哀哉俯循兮弱齡叨襲兮簪纓公夕拜之時也旣齒跡

於渠閣公春華之日也又陪遊於層集作郡城參兩宮而承

顧盼兮歷二紀而洽恩榮郭有道之青集作題目兮蔡中郎

之下迎條焉今古非復平生無德不報兮願摩頂而至足

有生必死兮空飲恨而吞聲天慘慘兮氣冥冥月窮紀兮

日上丁籍白茅兮無咎和黍稷兮非馨嗚呼哀哉

為李總管祭趙郎將文

駱賓王

姚州道大總管李義祭趙郎將之靈惟靈降精辰象委質

昌期棄筆文場早徇封侯之志影纓武帳坐昇戎秩之榮

屬須補挺扶

集作妖

昆池

集作明

習戰應星文而動將奉天罰

以揚威不能弘廟筭於五

集作四

戎叶神謀於九變致使

集作

令王師失律凶狡憑陵雋亢南臨同五谿之深入叩關北

阻類雙嶠之不歸亭候多虞故有負於明代春秋責帥豈

無愧於幽途悲夫任賢與能明君之事也陳力就列忠臣

之義也郎將雖見危授命固誠節之有餘臨難圖

集作權

機

何智謀之不足嗚呼哀哉義猥以散才謬專分闡途經夷

落路踐戎場停疲驟於九泉悲來有地痛遺骸於四野泣

下無從暫輟征旅之勤爰崇掩骼之義庶幽靈有托柝

息入夢之竟壯士不還薤露起送終之曲嗚呼哀哉

入夢之靈鬼壯士不還建靈起送終之曲嗚呼哀哉

遼徼萬里長安城危踈勒山峻羊蘭因原為隴即壤成棺

夕陰低而平蕪晦秋風急而荒以寒嗚呼哀哉異域幽垓

但見新栽松栢他鄉古木非復舊邑枌榆感平生其若集

作在聊申絮酒儻聰明之不昧或集作薦單集作醪

為宗尚書祭梁宣王文 宋之問

維大唐景龍元年歲次丁未十月乙未朔四日戊戌兵部

尚書宗楚客躬將作大匠秦客等謹以清酌庶羞之奠致

祭于梁宣王之靈惟王神岳降靈英姿濟代在周錫梁社

之寵翊唐有代邸之勳不謂業在必安而釁生非意賊臣

結黨大集作黷宸闈逆子弄兵輕集作誣懿戚密謀奉主

惟以國家為心飛集作禍及門鬻令父子併命九重軫念

悼舟楫之纏沒百辟興嗟愴衣冠之殄悴楚客等早承輝

眄夙忝

集作奉

娛遊姻屬謬接於葭莩兄弟竊方於鴈

集作楫

序叨列五等同事兩朝昔以高義銘心今猶德音在耳嚴

慈未往伯季凋零友睦申於長昧成立冀於猶子而家不

悔禍俱斃仇人

集作讐

入私庭而痛深過王門而悲極竹池

舊賞看鴈鷺之猶歸蒿里新歌恨天人之未逝嗚呼哀哉

九原撰日萬古營魂士

集作人

悲高駕帝慟津門殯

欵作殯

賢

輔而星圻

一作折非

害良臣而霧昏想平生之如此

集作在

麤髮

鬢於斯樽尚饗

為宗尚書兄弟祭魯忠王文

前人

維景龍二年歲次戊申月日兵部尚書楚客弟將作大匠



維大唐景龍二年歲次戊申月日某官某等謹以清酌之

奠祭祭字集作于汝南王之靈相門踵德王實挺生天資

溫克神與聰明人稱玉樹我嗣金籥芝庭欲秀桂林將逐

惟彼鴈堂集作墜茲鴻陸魁奪精氣墳迷草集作木漢皇

纂籙周母參功夷夏集作昭洗幽明感通九竅見日一葉

隨風孝極先妃丹旒前歸慈殷諸季素旒集作相次楚毗

啜泣秦人下淚荆分自久棗落無餘悲炎海之下制惟集

懷觀津之上書鳶忌南而跼水鴈愛北而隨車嗚呼凡在

枝戚街恩極遍寵賁濯龍榮同化鷲獨傷元子冥冥無見

玉宸下感金屋增悲珠亡禍遽沙崩慶遲綠車為贈黃泉

齋集作思官舍攸止先塋甫託齊國返塋隨原可作靈之

歸來無惑甌駱尚饗

祭杜學士審言文

前人

維大唐景龍二年歲次戊申月日考功員外郎宋之間謹

以清酌之奠敬祭于故修文館學士杜君之靈嗚呼位曰

大

集作天

寶才曰天爵辭

集作鮮

業備而官成名

集作多

聲高而

命薄屈原不終於楚相楊雄自投於漢閣代生人而豈無

人違代而咸若運鍾唐虞崇文寵儒國求至寶家獻靈珠

後俊

二字集作復

有王楊盧駱繼之以子跡

集作躍

雲衢王也

集作

才參卿於西陝揚也終遠宰於東吳盧則哀其栖山而

卧疾駱則不能保族而全軀由運然也

集作聊

莫以福壽自

衛將神忌也不得華實斯俱惟靈昭昭度越諸子言必得

俊意常通理其含潤也若和風欲曙搖露氣于春林其秉

艷也似涼雨半晴懸日光集作足於秋水衆轍同遵者擯落

羣心不際者探擬人也不幸而則亡名兮可大而不死君

集作靈之栖遑自昔迷方逢時泰兮欲達聞數奇兮自傷屬

文母之丕運應才子之明敷援淪秀於蘭畹侍遊仙於栢

梁命以著作拜之為郎始翔駕於清列旋禦魅於炎荒遺

旅鴈兮超彭蠡作編人兮居越裳集作常殊許靖之新適億

虞翻之舊鄉惟皇龍興再施法度拂洗溟渤騫集作騫翔雨

露通籍於八舍禁門搖筆于萬年芳樹仰赤墀兮非遠韻

白首兮方遇君病何病到此彌留藥雖集作勤餌兮寧愈針

不及兮可憂雖則妙醫莫識實冀明神獲瘳嗚呼哀哉詩

作靈下之將亡其言也善余向十旬日或再展君感斯



君一作靈有靈兮聞不聞我咀瑤屑君知自久坐泣焚芝

遙哀盡柳闕視集作親祖載爰集作愛非遺集作遣非卮酒願歆悲誠

將告良友尚饗

祭楊盈川文

前人

維大周某年月日西河宋某謹以清酌脯羞之奠敬祭于

楊子之靈曰自古皆死不朽者文北河吐集作流液西岳生

靈集作吐雲爰叶集作叶神通氣降精于君伏道孔門遊刃諸子精

微博識黃中通理屬詞比事宗經匠史玉璞金渾風搖雲

起聞人之善若任諸已受人之恩許之以死惟子堅剛氣

陵秋霜行不苟合言不苟忘大君有命徵子文房余亦叨

泰隨君頡頏同趨北禁并拜東堂志事俱得形骸兩

...

秦隨君頌頌同趨北禁舟拜東堂志事俱得形骸

惟寒暑貧病洛陽裘馬同弊老幼均糧自君出宰南浮江

海余嘗苦饑今日猶在之子妙年香名早傳從來金馬夙

昔崇賢門庭若市翰墨如泉千載之後聞而凜然死而不

忘問余何傷傷余命薄益州零洛生平集作平生之言幽顯相

託痛君不嗣匪我孤諾君有兄弟同心異體陟岡增哀歸

塋以禮旒襯飄零于洛之汀我之懷矣感歎入冥見子之

第類子之形悼往心絕慰存涕盈古人有言一死一生昔

子一作之往矣追送傾城今子來也乃知交情惟郭是戚有

崔不易來哭來祭哀文在席惟席可集作何依冰雪四蒲家

人哀哀賓徑微斷今我傷悲情懃昔時子文子翰我緘我

持子宅子兆我營我思子有神鑒我言不欺我有絮酒子

其歆之我亦引蒲儻昭神期  
蒐兮歸來聞余此詞

祭王城門文

前人

維長安二年歲次月日司禮主簿宋某謹以清酌之奠敬

祭于故宮尹丞太原王君之靈惟靈顯考抗志恬漠九辟

奚顧一丘自樂行儀集作巢由言重許郭粵我先人比德

同道理闡探索詞源論討翰墨具存有真有草古人至集

之言朋友世親王氏兄弟既義集作且仁撫我則厚莫殊

天倫粵我幼蒙哀纏岬岬急難相顧若出諸已聞過必箴

見善斯喜盛德之後昔聞其昌之子壯年朱紱始光賀者

在門哭者在堂慰君之兄撫君之子郭門祖祭平生已矣

問天何言閉恨泉裏嗚呼哀哉尚饗

卷終

文苑英華卷第九百七十九

祭文二

交舊二

為建安王祭苗君文一首

祭黃州高州君文一首 祭韋府君文一首

祭率府孫錄事文一首 祭孫府君文一首

祭崔侍郎文一首

為河內王祭陸異州文一首

為吏部侍郎祭故人文一首

祭李侍郎文一首

為王司馬祭甄都督文一首

祭清河房公文一首

開天何言閉恨泉裏鳴呼哀哉尚卿

卷終

爲建安王祭苗君文

陳子昂

維某年月日朔方道大總管建安郡王攸宜以酒饌之奠  
祭故壯武將軍左王齡衛中候左三軍營主苗君之靈君  
忠勇兼資戎麾夙濟烏丸作逆赤羽從軍方且任君先鋒  
仍馳後勁刈鮮卑之壘推蹋頓之師執馘獻俘歸受國賞  
何圖大勳未立隨命先凋永懷咨嗟情用兼慟故命酒奠  
告爾殤魂君其有靈歆茲薄酌嗚呼哀哉尚饗

祭黃州高府君文

前人

維年月日朔孫女夫某等謹以清酌庶羞之奠敢昭告于  
黃州高府君之靈惟府君含德元亨保和光大才堪濟  
運屬承平器允登台而命鍾流集作流落有瑚璉之寶

無廊廟之資豈圖大位不濟幽靈求昧尊儀潛翳三十餘  
年玄殯既開黃腸已吉今青烏改卜丹旌來歸窀穸即期  
幽明永訣某奉事門闕興言追慕實憎感咽竊惟精意以  
享黍稷非馨敢陳薄酌以獻明靈嗚呼哀哉伏惟尚饗

祭韋府君文

前人

維年月日左捨遺陳子昂謹以少牢清酌之奠致祭故人

臨海韋

一有府字

君之靈惟君孝友自天忠義由己有經世之

畧懷軌物之量其心苦節風雨不改常欲窮則獨善其身  
達則兼濟天下感激遐詠邈然青雲何期良策未從大運  
奄忽嗚呼哀哉昔君夢奠之時值余冥在叢棘獄戶咫尺  
邈若山河話言空存白馬不弔迨天網既開而宿草成列

言笑無由夢寐不接永言感慟何時可忘今旌旒言歸關  
河方遠興言永訣今古長辭鄧攸無子天道何知洛陽舊  
陌拱木猶存京兆新阡孤松已植已矣韋生云何及矣大  
運之往賢聖同塵嗚呼哀哉伏惟尚饗

祭率府錄事文

前人

維年月日朔某等云云古人歎息者恨有志不遂如吾子

良圖方遠

集作與

青雲自致何天道之微昧而仁德之攸孤

忽中年而顛沛從天運而長徂惟君仁孝自天忠義由已

誠不謝於昔人實有高於烈士然而人知信而必果有不

識於中庸君不慙而

集作於

貞純乃洗心於名理元常既

墨妙不傳君之逸翰曠代同仙

蜀本

豈圖此妙未極中

而息懷衆寶而未攄求幽泉而掩鬼嗚呼哀哉平生知己  
疇昔周旋我之數子君交之百年相視而笑宛然昨日交  
臂而悲今焉已失人代如此天道固集作罔然所恨君者在  
天當年嗣子孤藐貧窶聯翩無父何恃有母惇焉嗚呼孫  
子山濤尚在嵇紹不孤君其知我無恨泉途嗚呼哀哉伏  
惟尚饗

祭孫府君文

前人

維年月日子昂謹以牲酒之奠致祭故延俊府折衝燕然

集有平字孫府君之靈惟君少馳英武早効成功聲雄塞上名

重關中愴稜威於敵國存大節於家風旣揮金而退老方

餌玉集作藥於仙童何昊天之不弔隨大化之云集作以長終白

馬故人青鳥送往素車未訣黃壚誰賞醕集作酒盈觴

今尚饗

祭崔侍郎文 晉書 張說

維神龍三年月朔日兵部郎中員外曹良史等謹以清酌  
少牢之奠敬祭故侍郎崔公之靈位以行成名以才起天  
臨明代是生君子長戟高門層堂峻址孝友仁愛衣冠標  
軌清通正直省闈集作條理束帶立朝惟國之後抑揚吐  
納金聲玉振器不滯方神無晉韻厚奉外不為假坦率內  
不違真泛交而容博好施而能均欲人規已恕已及人故  
者不遺其故親者無失其親歷否泰能全其節故令名素  
離其身方齊六相助明三辰何孤我德何負茲神博望

羽中駕摧輪昔時寮列今為弔賓凡二三子夙承惠集作

眷聯務七兵歲陽三變分與時積事由更練蹇蹇公庭申

申私宴慟音微之求掩懷儀範之不見戢容止於綴足潛

眉目於蒙面哀哉奈何零涕集作如霰緬惟初疾以迄將

亡意氣精爽乾乾自強顧瞻賓客勉勉矜莊几不側弁衾

無解裳話言靜密憂公不忘猶看駿馬尚聰名倡靡神不

禱靡藥不甞倏然信宿寃歸渺茫歲初置酒春中酌觴何

吉凶之共域同歌哭於此堂自古及今人誰不沒豈嘆生

死所嗟愴卒脩途未半壯志先伐英子齒年遺孕集作數

月在親親與懷舊孰不傷心而痛骨靈集作莫易收深悲

難歇尚饗

為河內王祭陸異州文

前人

維萬歲通天元年月朔日神兵道大總管河北道按撫使

右金吾大將軍河內郡王以少牢之奠致祭故異州刺史

陸君之靈戎羯不道侵軼幽都兗渠電滅餘燎星鋪鳴弓

挾集作快柳飲馬長蘆攬集同惡難起無虞梟獍為依集作旅

鯨鯢有族裳旗來兵剡弧集作拔弦木泮渙吞噬睚眦觸逐

亂舞梯衡集作衡潛攻版築鑿齒爭厲熊蟠未熟踰垣自潰

守陴皆哭高扁集作扁已陷連櫺集作樓復焚人類薙草城隨

壞雲僵屍暴骨藉藉紛紛嗟嗟使君死節無吝政覺成俗

其機不振搆此集作狡猖狂難以德鎮城為讐保身膏虜刃

明明上帝仁覆憫下赫赫神兵驅馳在野朝告夕赴集作起

如何不及將守非堅爲寇是急救兵適來涉血猶濕三軍  
雷歎百戍雨泣天子命我董戎冀方旌旗介冑千里相望  
旣掃氛濁言巡戰場輯睦人吏撫寧孤孀徘徊城府悽愴  
井棠禮重玉事哀深國殤冤今有感歆此嘉嘗尚饗

爲吏部侍郎祭故人文

張九齡

維開元十年歲次壬戌二月癸酉朔十七日己丑吏部侍  
郎某謹以清酌脯醢之奠致祭于故某公之靈聞夫仁必  
壽考所謂神道善亦慶延以爲信然今夫子之不福而聖  
謨之是僊孝友純固禮讓周旋所以直業所以專誠公  
才而天假故官政以日宣節使是式朝宿旣至十部稱賢  
一人思媚鳳凰于彼雲霄以異胡然明靈殲我良懿嗚呼

哀哉夫子之逝平生之懷襟袍素合遊處嘗偕清風對禁  
文石同儕自茲兩掖殆將一紀展轉清貫此離君子曷其  
愛而甫云覲至正司空之掃第屬荊州之罷市歛交臂而  
相失殷痛心其何已今卜兆有日祖載在廷颯然象設冥  
爾音形驅白馬而何見瞻素車而已荷德音不忘應甘棠  
之勿剪交情乃是伊黍稷之非馨嗚呼哀哉尚饗

祭李侍郎

集作  
常侍文

前人

維年月朔日中散大夫洪州都督張九齡謹遣倉曹參軍  
李某以醢脯之奠敬祭于故宋國公之靈惟公世載賢傑  
天資忠厚外珪組而雖華內水鏡而無垢善常不伐明能  
自晦省中之樹訪猶不言車前之馬數而後對淑慎自已

物集作亨有時孰能違集作命公此來恩結忠主之戀速非深

去國之悲六疾斯起五福云欺生涯溘盡精魄何之嗚呼  
哀哉追惟曩昔升降雲霄榮華侍從暉暉光昭日歟月歟  
有榮有凋丹旆子子白鬢蕭蕭同官之感俾余竟銷靈之  
來歸茲焉旅次瞻望無覩悲辛自至頃密爾而寄音今寔  
然而結歎南北于遠幽明永異何以叙情寄之奠饋輿饗

為王司馬祭甄都督文

前人

維開元五年歲次丁巳九月丁酉朔十四日庚戌某官謹  
以清酌少牢之奠敬祭于廣州都督甄公之靈惟公稟氣  
異人為國良臣資忠秉義奮翼躍鱗富貴自取聲名益震  
故能北擁旄於玄朔南仗節於朱垠行部無幾卧理斯屬

棠陰在聽 殳歌成曲下流是仰長塗反促始望雨而隨車

遽驚風而轉燭嗚呼哀哉甫茲歲首彤檐載輝今也秋季

丹旒言歸嗟集作既寒來而暑往將物改而人非駟馬不馭

雙燕空飛對平生之氣象詠宿昔之音徽燕越兮地眇湖

山兮路微奠肴觴而集作之在席感徒御以霑衣嗚呼哀哉

尚饗

祭故相國清河房公文

杜甫

維唐廣德元年歲次癸卯九月辛丑朔二十二日壬戌京

兆杜甫謹以集作敬醴酒茶藕蓴鱖之奠奉祭故相國清河

房公之靈曰嗚呼純朴既散聖人又歿苟非大賢執奉天

機唐始受命群公間出君臣和同德教充溢魏杜行之夫

何盡一婁粟繼之不墜故實百餘年間見有輔弼及公入

相紀綱也矣將帥干紀烟塵犯闕王風寢頓神器圯裂關

輔蕭條乘輿播越太子即位揖讓倉卒小臣用權尊貴條

忽公實匡救忘餐奮發累抗直詞空聞泣血時遭侵沴國

有征伐車駕還京朝廷就列盜本乘弊誅終不滅高義沉

埋赤心蕩拆貶官厭路諛口一作言到骨致君之誠在困彌

切天道濶遠元精茫昧偶生賢達不必際會明明我公可

去一作云時代賈誼慟哭雖多顛沛仲尼旅人自有遺愛二

聖崩日長號荒外後事所委不在卧内因循寢疾顛顛無

悔天闕蜀本作死天泉途激揚風檠天柱既拆安仰翊戴地維

則一作既絕安放挾集作爽載豈無羣念我心切切不見君子

逝水滔滔泄涕寒谷吞聲賊濠有車爰送有緋爰操撫墳

日落掛

集作晚

劍秋高我公誠子無作爾勞斂以素帛付諸

蓬蒿身沒

集作陰

萬里家無一毫數子哀過他人鬱陶水漿

不入日月其滔州府救喪一二而已自古所歎罕聞知已

曩者書札望公再起往

集作令

來禮數為能

集作態

至此先帝

松柏故鄉粉梓靈之忠孝氣則依倚拾遺補闕視君所履

公之

集作初

罷印人實切齒甫也備位此官蓋薄劣耳見時

危急敢愛生死君何不聞刑欲加矣伏奏無成終身愧耻

乾坤慘慘豺虎紛紛蒼生破碎諸將功勲城邑自守鼙鼓

相聞山東雖定灞上多軍憂恨展轉痛傷氛

集作氣

氲玄豈

集作非

色白赤

集作黑非

不分培塿滿地崑崙無羣致祭者酒

情者文何當旅襯得出江雲嗚呼哀哉尚饗



文苑英華卷第九百七十九

非作色白赤非作不分墳滿地崑崙無羣致然者

文苑英華卷第九百八十八

文苑英華卷第九百八十八



文苑英華卷第九百八十八

文苑英華卷第九百八十八

文苑英華卷第九百八十八

文苑英華卷第九百八十

祭文三

交舊三

祭劉評事兄文一首

祭劉左丞文一首

祭友人張五兄文一首

祭亡友揚州功曹蕭公文一首

祭董大使文一首

祭李中丞文一首

祭嚴尚書文一首

祭李相公文一首

祭李侍郎文一首

祭員郎中文一首

祭衢州李司士文一首

祭裴尚書文一首

祭劉評事兄文

李華

維乾元二年歲次己亥六月乙未朔三日丁酉趙羣李華

祭于劉三兄之靈惟兄高韻曠度拔於時倫德契中和道  
符深仁泉明其照情性其文踈近無二心冥則親雅敦名  
教素遠權利夷險一節通塞一致有時不適與道偕醉跡

一作事

隨沉浮量混同異白雲何遠清風自至人或知兄王

佐之噐豈人無福而兄天年浙東幕庭喪此一賢識與不  
識辛酸泫然秦失五穀春不相杵清標高志行乃動主鑒  
我夫子列在中士職無所統談笑而已若室言善感於千

里綿江越湖掩涕相視追懷晨夜

一作晨夜

道則同謀定交梁

國周旋兩都更相默喜吾道不孤契濶艱難誰榮誰枯良  
願再諧握手東吳羈旅情倍天倫豈殊去歲季冬將膺使  
檄累辱來召陵江掛席持酒歡酣憂懷頓釋携手終日賸

書竟夕無食不均無衣不易題序申餞情深義激贈言綢

繆籠我行役涉泗而還遽承遺癘猶復垂念尺書相繼將

慶有瘳俄哀永逝萎我盛德天故疑作不惠嗚呼痛哉華

江濱憔悴風濕所侵疾不果開喪不果臨無由執紼從茲

被琴異鄉之慟於此何心不言少別便為古今嗚呼痛哉

光烈幕府親兄重兄恩深撫孤義感平生臨吊盡哀行路

涕零躬護喪事推以信誠古風復存今見哀榮嗚呼痛哉

孀妻晝哭弱子纏經蕭蕭旅塋空對江月想像遊處心呼

鬱結羽毛相依忍此凋缺寢門之悲悽斷吳越蘇門朗嘯

於此長絕泣戒將命往申微瘳此如不祭祇益酸咽兄性

與道合栖心福庭故於是莫不列輦腥願垂惠照以濟幽

靈值佛開法長為弟兄素心惟此敢告冥冥尚享

祭劉左丞文

維年月日左補闕趙郡李華謹奉清酌微奠祭于故國子

祭酒劉十六兄之靈痛矣夫時方刑措誼傳長沙運丁中

興行廢于家命與道乖末如之何先師微言行已堙塞續

儒濟德俾世為則專門繼起人用不惑季孟叔仲並華于

國文傾遷固理破楊墨濁斯渾清曲莫容直孤玉沉韻高

鴻墜翼疇昔之年逆虜悖天帝命西平董戎于關上宰姦

回蔽明怙權阻以監撫海內翻然督哥舒將盍不速轅一作

薛督青東哥舒盍東東袁兄在西陲三飛章上言喻引古今易亡為存時

悍姦邪不聞帝閣文武房公慷慨獨論迎吠信信竟寢

文華泰諫官亦嘗披肝千里同氣寤寐永歎請受一作授

收一作請鎮豐安乞固上黨乞備太原心竭犬馬事

屈羣頑哥舒表華掌記轅門明明仁兄紹介三軍奉族在

此懼為福疑原竟迫方寸孤天負恩聖朝孝理未忍行戮

爰詔三司伏念哀鞠綱脫一作釋烏鳥恩開桎梏實賴仁人

再春枯木房公介然明華於朝兄志提挈出泥登霄言于

宰司大啓學徒陳沈泊華可備師儒堂堂昌言光我囚拘

緒中不行何日忘諸功曹垂侍恩比天倫手足是此榮枯

一人友愛惟深憐眷益親難阨流離存亡未分冀遊門闥

以慰酸辛誰謂凋落今惟二人嗚呼哀哉弟參邦憲兄鎮

海夷誰云存歿共彼有期謂天無親胡與善違儒子攀號

遂奉裳帷季氏呼天割我四支平生故人橫涕交頤寄窆

空原時造一作興師官尊地偏禮不成儀回望舊邦素車

遲遲潯陽地古舉目悽悲執紼流慟誰堪此時余生易感

况已衰羸泣薦潢汗冤今臨之尚享前人

祭亡友張五兄文

維永泰二年歲次庚午正月某朔日趙郡李華謹遣從姪

詹事府丞廉以茶乳蔬果之奠敬祭于亡友張兄博士之

靈嗚呼痛哉先生之終人倫不幸况乎小子最飽道風何

悲如之先生以道為貴以德為富以樂天知命為壽則非

其道而貴者賤也非其德而富者賈也不樂天不知命而

壽者天也然先王道貴德富加以德天知命之壽固無限

矣所痛者仁而無後天道何以爲慈口與神理何以爲正直  
滔滔江水此慟何窮嗚呼哀哉華茂年衰病不足履地髮  
膚而哭欲往無由千里申奠不任酸咽仁兄先生俯監悲  
懷尚享

祭亡友揚州功曹蕭公文

前人

維乾元三年二月十日孤子趙郡

一無此二字

李華以清酌之

奠祭于故亡友揚州功曹蘭陵蕭公之靈嗚呼茂挺平生  
相知情體如一歲月之別俄成古今天乎喪予此痛何極  
華釁罰深重艱棘所鍾殊方末慕觸目號裂孤窮易感况  
哭故人以足下才惟挺生名蓋天下道孤命屈淪阨終身  
避亂全潔忠也冒危遷祔孝也王佐之才先師之訓而歿

子道路何負於天乎痛哉華疇昔之歲幸系周旋足下不

棄愚劣一言契合右稱管鮑今則蕭李有過必規無文不

講知名當世實賴若人循環往復何日忘此華等一作泣

血千里羈旅相依聞其一作哀心骨皆斷夫痛之至者

言不能宣雖一作尚饗一作皆唐文粹

祭董大使文

崔祐甫

維寶應元年歲次壬寅月日祭于隴西董府君之靈曰秋

日淒淒百卉具腓城寺無主人焉適歸矧蓄蔭麻之望翻

遇死喪之威弔隨慶集事與心違良知與主昨是今非嗚

呼哀哉追惟曩歲末豐之遊清川倚棹廣路停軌道路契

濶燕言綢繆倏焉陳迹曾不少留幾成海變何管星周勢

翻翱翔上陵蒼蒼俯憐燕雀畏逼藩牆議以銜羽將貽稻

梁望國酸

疑作駿

奔初念楮中之惠及門問故俄增掛劍之

傷嗚呼哀哉干旒祭戟撤而不見總蒙戶而風悲葦遠庭

而靈泣

疑作露

邦人輟春殲良何速厲吏霑襟于何從祿永

無像於形儀庶有憑於軌躅羞匏葉而為薦北隻雞而可

續嗚呼哀哉尚享

為吏部李侍郎祭蘇州李中丞文 獨孤及

年月日某官某乙謹以清酌少牢之奠敬祭于故蘇州刺

史兼御史中丞贈吏部侍郎李公之靈嗚呼天以純粹鍾

美於公孝友慈惠公蘄貞直事君以忠臨節有勇可以師

表鄉黨儀形縉紳宜荷百祿乃朋三壽執司物化魯莫輔

德諸父不死公獨返真官不過八命年未逾六十豈五藥

乖養九藏失節以及此乎將脩短之域窮達之數止於是

乎前期幽報如所修乎俯觀前生集作生前亦有恨乎昔公出

入臺閣勤勞王事驅馳集作馳驅使車周旋天下克已奉職一

何正也姑蘇之役姦倖構難公秉義勇誅其渠魁海寇圍

逼勾吳震駭公帥羸師克剪大敵奇謀生於死地貞節見

於孤城夫豈惡生折誓無奪志臨危致命一何壯也濯纓來

朝祗若王命三府高議方以黃散咨公天乎無知不從人

欲旅襯委於空館妻孥恨於遠道其來也駟馬朱幡其往

也孤轡丹旒天子興悼台臣雨集作雪泣情鍾我輩其集作哀

可既集作館等義惟寮友季卿等屬忝宗族歎愛如昨書札

猶新伸眉未久

集作幾

交臂或

集作忽

失形骸留此冤鬼何之

鳴琴潺湲恍若在耳前路冥冥良遊無期靈之來兮歆此

薄酌

集作酌

尚享

為元相公祭嚴尚書文

前人

年月朔日某官某乙謹以清酌少牢之奠敬祭于黃門侍

郎兼吏部尚書御史大夫嚴公之靈嗚呼天惟難集作匪謀

才不必壽丹牛

集作耕

斯疾顏回知

集作短

命吉凶無朕

集作朕

凡聖共惑惟公茂質見於芳年茵蟲九葩磊落集作珂千丈

嘗戮力當代以智開物若發矟之刃决雲切玉長安浩穰

憲網踈漏天子命公尹京執法能秉直道以張皇綱以智至皇

綱三十七字集本如此華英盜奔訟清周月報政巴蜀

文苑英華 卷一百一十五  
亟擾上為盱食自公集作公之攸徂亦既集作乳亦邁已昆夷授首

邛夔歛化及位集作加冢卿為天喉舌謂當任極台鉉壽如

岡陵青雲何攀白日忽暮嗟來桑扈溘與化往孰云夫君

而有斯芳叢集作叢春敗大壑夜失非君興哀吾誰為慟昔

公先中書以道銷讒勝不踐衮職公復筭屈短曆卒無相

印蒼生孤望前後同悲曩子論交於予投分形接意敵聲

應事感俱涉世故累荷寵榮余奉台司公亦亞相大駕東

狩卒集作護陪屬車各負霸繼又同集作同扞牧圉誠節見於多

難交態彰於困蒙願言悉心共獎王室鎮蜀之後集作後南

北頗限猶易前期未嗟少別別未艾也死生間之夙昔歡

愛今遂為悲真宰何人壽夭誰司善而無報天豈余欺憶

昨倏往火旗電轡今也來思白馬龍韉鯉書遂絕鷄黍無  
期惜無寶劍掛君松枝肯酒一壺幽明此辯尚享

爲楊左丞祭李相公文

前人

年月日尚書左丞楊綰吏部侍郎王廷昌刑部侍郎魏少  
遊工部侍郎徐浩謹以清酌少牢之奠敬祭于故相國李  
公之靈嗚呼宗祏儲祉降神生公稟天純懿爲國柱石負  
稱代業儀刑本枝九居邊集作專城六處八座五嶺憲府兩

登台司惟公廉忠信是務惟寬厚清淨是守危言獻可未  
嘗脂韋取容直躬而行不爲權幸改操三已無愠一麾乃  
出其茂勲崇名遺芳餘事輝映策牘標準縉紳所莅之邦  
于今頌羨若鄭人之思子產周人之歌召伯謂公福如山

皇壽登期願為天子元老以彌成廢政溢與化往嗚呼曷  
歸何萬人之具瞻與天命之相違窺遺塵於臺閣想見公  
之容微嗟道中而壽短集作痛跡是而人非縮等恭承嘉

惠昔嘗登門接後堂之歡娛參東閣之討論謔浪在耳書

札具存奈何少別忽聞九泉集作尚享

為吏部楊侍郎祭李侍郎

集作

文

前入

年月某官某乙謹以清酌少牢之奠敬祭于故右散騎常

侍贈禮部尚書李公之靈嗚呼冲和

集作

之氣生德於公

忠孝貞諒聰明宏達卓犖特立英明虛受自司翰持衡觀

風執法周旋三閣出入十載能直其道而正其身致命臨

歸仁而有勇造次顛沛義形於色莊敬發乎談笑孝謹扇

予集作 閨門若天祚明德神與正直公宜錫慶鍾壽俾太

而昌于何官不至三事年不及六十積德無報為仁者惑

焉今行及先遠將安宅兆嗟來絜扈往無返期追思平生

夙昔歡好懇欵交臂之分勤拳集作 同心之言今則冥漠

無非夢想非夫人之為慟而誰為慟不知神之所在彼乎

此乎旨酒一樽以為別乎集作 尚享

為明州獨孤俊臣集作 祭員郎中文 前人

某月日某官某乙謹以觴豆之奠敬祭于故某部郎中兼

某州刺史員公之靈吳越悠歲元元艱食帝咨四岳分命

予公以公克勤于邦克儉于家忠而能立剛亦不吐出入

臺閣將十五載動合律度言為程式及茲剖符銜疾受命

而慨然有表元東夏澄清江湖之心海隅蒼生方仰集作望

公以大庇朝廷縉紳期公以上台而悠悠蒼天屈公以下

壽時既得集作須而命不與致未窮而生有涯嗚呼哀哉昔

公繡衣持斧余忝接武於朝公負譴投荒余亦左袵異域

山川有間交情無極各隨波流在天一方險阻艱難亦既

備嘗邂逅相遇荆蠻之鄉惠而好我何日能忘浙右巨鎮

甬東孤城風烟接壤集作相接予僕同輩未及前驅莫申微誠

遽聞沉痾集作病忽問死生九原誰歸萬事長往夙昔歡愛

無非夢想舟遊壑走吾將安仰隻雞之薦靈兮來集作饗

祭衢州李司士文 前八十六 前八十七 前人

年月朔日前華陰縣尉獨孤及謹以清酌庶羞之奠敬祭

予衢州司士叅軍李尹之靈惟君砥節勵行抱粹含純剛

亦不吐直而能温筮山仁誠立安早道存宜錫難老亦高其

門如集作奈何盛德迫此此短農迫惟夙昔修好於君託以良

援申之婚姻勸我以善以教我以仁各徇薄宦俱期致身頃

復离別幾為胡秦契濶罪阻艱難苦辛君恨靡鹽陳力甌

閩余集于集作奈蓼零丁海濱弔恤何深舊好惟勤集作殷贈

言如昨尺素猶新倏忽長往吳詭與親常日音徽平生懿

文今則已矣長為古人憐君不知哭吾不聞瀝酒墳草酒

淚隴雲庶因薄奠髣髴精神尚饗

為華陰李太守叅裴尚書文  
前人

年月日華陰郡守李某謹以清酌少牢集作庶羞之奠敬祭于

故禮部尚書河東裴公之靈嗚呼元精純粹生德于公峻

極降祉真明在躬濯纓登朝事君以忠出入三閣周旋兩

宮褰帷井陘推穀盧龍喉舌是寄令集作間斯崇鯤背垂

天鴻毛順風亦既左官時更困蒙夷險能一集作高明有


融三已無愠再命滋恭肇受方伯俄昇秩宗將陳謨謀以

佐時雍如何不弔降此鞠凶珠履聲絕蒼生望窮機返太

素勲景鍾區中集作杳杳龍韜瞻言徂東敬飭薄奠邀神昊

穹靈顧來享髮鬢聲集作容嗚呼哀哉尚享

文苑英華卷第九百八十





浙江圖書館藏  
文苑英華卷第九百八十一  
一九八二年四月







浙江圖書館善本

甲 登記號:022472

一九 年 月 日



0 1 2 3 4 5 6 7 8 9 10 11 12 13 14 15 16 17 18 19 20



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19 20

**TIFFEN** Color Control Patches © The Tiffen Company, 2007

Blue		Cyan		Green		Yellow		Red		Magenta		White		3/Color		Black
------	--	------	--	-------	--	--------	--	-----	--	---------	--	-------	--	---------	--	-------

